

智光明莊嚴經

終  
之



7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5

C40-4814

了翁上座請大歲及有  
家書置武州繁雲山  
找微宏庵院事一函中承  
為學者不敢苟出院內  
當山二世鐵牛機謹誌

B 64253

佛說大乘入諸佛境界智光明莊嚴經卷第四

第五同卷

詔譯

宋三藏朝散大夫試光祿卿光梵大師惟淨等奉

佛言妙吉祥菩提者與虛空等謂以虛空無高無下  
菩提亦然無高無下由是如來成等正覺雖成正覺  
亦無少法如微塵許若高若下諸所施作此如是法  
若如是知即是實智妙吉祥以何義故名爲實智謂  
一切法了無根本無生無滅彼無實性亦無所得若  
有實性即是滅法彼雖有生而無主宰復無攝受妙  
吉祥若無主宰無攝受法即是滅法此等諸法若生  
若滅當知皆是緣法所轉亦非此中有少法可轉然

佛如來不於諸法說斷滅相復次妙吉祥菩提者卽是如說句以何義故名如說句如說句者卽是菩提如其菩提色受想行識亦然而不離真如如其菩提眼耳鼻舌身意色聲香味觸法處亦然而不離真如如其菩提眼界色界眼識界耳界聲界耳識界鼻界香界鼻識界舌界味界舌識界身界觸界身識界意界法界意識界亦然而不離真如如其菩提地界水界火界風界亦然而不離真如此等諸法如是施設其所施設謂蘊處界由是如來成等正覺所成正覺離顛倒法如其先法後法亦然中法亦然前際不生

後際不去中際性離此如是法是卽名爲如所說句如其一法多法亦然如其多法一法亦然妙吉祥若一性若多性皆無所得若有相若無相無入無住何名爲相何名無相所言相者謂卽生起一切善法言無相者謂一切法無所得故又相者謂卽心無所住分位無相者卽無相三摩地解脫法門又相者卽一切法思惟稱量筭數伺察無相者謂出過稱量何名出過稱量謂識法無故又相者卽有爲伺察無相者卽無爲伺察復次妙吉祥菩提者卽是無漏無取何名無漏何名無取無漏者謂離四種有漏之法何等

爲四一者欲漏二者有漏三者無明漏四者見漏無取者謂離四種取著之法何等爲四一者欲取二者見取三者戒禁取四者我語取如是四取悉由無明暗蔽愛法滋潤互相取著妙吉祥若或本初於我語取根本能了知者卽我清淨我清淨已隨知一切衆生清淨由我清淨故卽彼一切衆生清淨若一切衆生清淨卽法無二無二種類彼無二義卽無生無滅妙吉祥若無生無滅卽無心意識可轉若無心意識可轉卽無分別若無分別卽深固作意相應無明不能發起若彼無明不發起者卽十二有支亦不生長

若十二有支不生長者卽法無生若法無生卽法決定若法決定卽調伏義若調伏義卽是勝義若其勝義卽離補特伽羅義若離補特伽羅義卽不可說義若不可說義卽緣生義若緣生義卽是法義若法義卽如來義如是所說若見緣生卽能見法若能見法卽見如來彼諸所見若其如理審伺察時是中亦無少法可見妙吉祥何名少法謂心所緣若無心所緣卽無所見由如是法故如來成等正覺平等故平等復次妙吉祥菩提者是清淨義無垢義無著義何名清淨何名無垢何名無著謂空解脫門即是清淨無

相解脫門即是無垢無願解脫門即是無著無生是  
清淨無作意是無垢無起是無著自性是清淨圓淨  
是無垢明亮是無著無戲論是清淨離戲論是無垢  
戲論寂止是無著真如是清淨法界是無垢實際是  
無著虛空是清淨寥廓是無垢廣大是無著了知內  
法是清淨外無所行是無垢內外無所得是無著了  
知蘊法是清淨界法自性是無垢離諸處法是無著  
過去盡智是清淨未來無生智是無垢現在法界安  
住智是無著妙吉祥此如是等清淨無垢無著諸義  
於一句中普能攝入謂寂靜句若寂靜卽徧寂若徧  
寂卽近寂若近寂卽寂止若寂止此說即是大牟尼  
法復次妙吉祥如其虛空菩提亦然如其菩提諸法  
亦然如其諸法衆生亦然如其衆生刹土亦然如其  
刹土涅槃亦然妙吉祥此說即是涅槃平等爲一切  
法畢竟邊際清淨之因無對治離對治因本來清淨  
本來無垢本來無著如來了知彼一切法如是相故  
現成正覺然後觀察諸衆生界建立清淨無垢無著  
遊戲法門以是名字於諸衆生大悲心轉復次妙吉  
祥云何是菩薩所行菩薩勝行謂若菩薩無盡不盡  
無生無不生於畢竟盡相無所領受然亦不壞畢竟

無生妙吉祥菩薩若如是行是爲菩薩勝行復次妙  
吉祥菩薩於過去心已盡此無所行未來心未至此  
無所行現在心無住此無所行菩薩於其過去未來  
現在諸心悉無所著菩薩若如是行是爲菩薩勝行  
又復布施之法諸佛如來與諸菩薩而無其二無二  
種類菩薩若如是行是爲菩薩勝行持戒忍辱精進  
禪定智慧亦復如是諸佛如來與諸菩薩而無其二  
無二種類菩薩若如是行是爲菩薩勝行又妙吉祥  
菩薩不行色空不行色不空菩薩若如是行是爲菩  
薩勝行何以故色即是空色是性空受想行識亦復  
如是是故不行識空不行識不空菩薩若如是行是  
爲菩薩勝行何以故謂心意識無所得故妙吉祥此  
中無少法可有若知若斷若修若證悉無所有由如  
是故此說名盡如是乃爲畢竟盡相若畢竟盡卽無  
所盡無盡亦無盡何以故如所說盡故若如所說盡  
彼卽無法可盡若無法可盡卽是無爲若無爲卽無  
生亦無滅若佛出世若不出世法性常住以法住故  
卽是法界如法界住故智無所轉亦非無轉以智無  
轉非無轉故如是法理若悟入者卽得無漏無生無  
滅此名漏盡妙吉祥是故當知雖復世俗音聲文字

總聚施設是中無有少法若生若滅爾時妙吉祥童  
真菩薩摩訶薩卽從座起偏袒右肩右膝著地向佛  
合掌以妙伽陀伸讚歎曰

無形顯色無狀貌 是中無滅亦無生  
無住亦復根本無 無所緣尊今讚禮  
以無住故無出入 亦復無彼諸分位  
已能解脫六處門 無所緣尊今讚禮  
一切法中無所住 有性無性皆遠離  
諸行平等得圓成 無所緣尊今讚禮  
已能出離於三界 虛空平等性中住

世間諸欲不染心 無所緣尊今讚禮  
三摩呬多常安處 行住坐臥亦復然  
諸威儀事妙肅成 無所緣尊今讚禮  
平等而來平等去 平等性中妙安住  
不壞平等性法門 無所緣尊今讚禮  
大聖善入平等性 諸法皆住等引心  
偏入無相妙法門 無所緣尊今讚禮  
大聖無住無所緣 定中高積慧峰峻  
普偏諸法得圓成 無所緣尊今讚禮  
衆生威儀及色相 語音聲亦復然

普能示現剎那間 無所緣尊今讚禮  
大聖已離於名色 於蘊界法亦普斷  
復能善入無相門 無所緣尊今讚禮  
大聖善離於諸相 諸相境界亦遠離  
已能善入無相門 無所緣尊今讚禮  
無所思惟無分別 淨意亦復無所住  
無諸作意無念生 無所緣尊今讚禮  
譬如虛空無含藏 已離戲論無所著  
其心平等復如空 無所緣尊今讚禮  
譬如虛空無中邊 諸佛法性亦如是

已能超越三世門 無所緣尊今讚禮  
諸佛猶如虛空相 卽此虛空亦無相  
已能解脫事及因 無所緣尊今讚禮  
一切法中無依止 如水中月無所取  
無我相亦無音聲 無所緣尊今讚禮  
大聖不依止蘊法 界處諸法亦復然  
已能解脫顛倒心 無所緣尊今讚禮  
大聖已離於二邊 亦復斷除於我見  
法界平等得圓成 無所緣尊今讚禮  
色相名數已解脫 亦復遠離不正法

無取無捨平等心 無所緣尊今讚禮  
已能超越諸魔法 一切法中悉通達  
妙入無障礙法門 無所緣尊今讚禮  
正智不說諸法有 亦復不說諸法無  
無語言道無發生 無所緣尊今讚禮  
聖不依止於二法 久已摧折我慢幢  
解脫二無二法門 無所緣尊今讚禮  
所有身語意過失 大聖久已普除斷  
不可譬喻不可思 無所緣尊今讚禮  
大聖無轉無發悟 一切過失悉遠離

智爲先導徧所行 無所緣尊今讚禮  
無漏淨念最微妙 實不實法悉了知  
亦無繫著無思惟 無所緣尊今讚禮  
大聖於心無所緣 而能徧知一切心  
亦無自他想念生 無所緣尊今讚禮  
無所緣中有所緣 於一切心不迷著  
無障礙法已圓明 無所緣尊今讚禮  
大聖於心無所緣 亦復自性無所有  
無心平等得圓成 無所緣尊今讚禮  
大聖不依於智法 而能徧觀諸刹土

一切衆生行亦然 無所緣尊今讚禮  
智者於心無所得 是中亦復畢竟無  
於一切法正徧知 無所緣尊今讚禮  
知一切法皆如幻 卽此幻亦無所有  
已能解脫幻法門 無所緣尊今讚禮  
正覺雖行於世間 亦不依止於世法  
復無世間分別心 無所緣尊今讚禮  
大聖於彼空中行 由空所成空境界  
空與非空聖所宣 無所緣尊今讚禮  
現大神通起化事 悉依如幻三摩地

離種種性徧入門 無所緣尊今讚禮  
了知非一非多性 若近若遠無所轉  
無高無下平等心 無所緣尊今讚禮  
金剛喻定現在前 一剎那中成正覺  
徧入無對礙法門 無所緣尊今讚禮  
雖知涅槃無所動 亦於三世善調伏  
具足種種方便門 無所緣尊今讚禮  
於彼一切衆生類 善解智慧及方便  
然亦不動涅槃門 無所緣尊今讚禮  
大聖無相無發悟 已離戲論無對礙

無我故無對悟心 無所緣尊今讚禮

已離疑惑無過失 無我我所亦復然

於一切處正徧知 無所緣尊今讚禮

佛說大乘入諸佛境界智光明莊嚴經卷第四

佛說大乘入諸佛境界智光明莊嚴經卷第五

宋藏朝散大夫試光祿卿光梵大師惟淨等奉

詔譯

稽首十方度煩惱

稽首廣大施無畏

善住不共諸法中

稽首世間尊勝者

稽首能斷衆結縛

稽首已住於彼岸

稽首救世諸苦尊

稽首不住於生死

首偏通達衆生行

於一切處離意念

如蓮不著於水中

淨空寂默常親近

聖師種種無上句

稽首無緣度染海

普偏善觀諸相門

於諸願求無所有

佛大威力不思議

猶如虛空無依止

稽首廣持勝德門

稽首猶如妙高勝

爾時世尊讚妙吉祥童真菩薩摩訶薩言善哉善哉  
妙吉祥如是如是妙吉祥勿於諸佛起色相見勿於  
諸佛謂其無相勿謂諸佛獨居法界亦勿謂佛處大

衆中當知諸佛無見無聞無所供養無供養者諸佛  
如來無有少法若一性若多性而可施作亦勿謂佛  
得菩提果亦勿謂佛有法可現無見無聞無念無知  
佛亦無言已說現說當說諸法亦非諸佛現成正覺  
亦無有法能成正覺亦非諸佛斷染證淨設有所作  
離見聞覺知何以故妙吉祥當知一切法本來清淨  
故復次妙吉祥汝等當知此經功德不可思議若有  
菩薩以三千大千世界微塵等數一切衆生普令建  
立成緣覺果然於此正法不生信解若有菩薩於此  
正法生信解者其所獲福此前福蘊廣多無量何況  
自書或教人書所得福蘊倍復增勝又妙吉祥若復  
有人以三千大千世界所有一切衆生之類若卵生  
若胎生若濕生若化生若有色若無色若有想若無  
想若非有想若非無想若二足若四足若無足若多  
足彼如是等諸衆生類普令建立皆得人身得人身  
已悉令發起大菩提心發大菩提心已一一菩薩於  
不可思議碗伽沙數佛刹土中爲微塵等諸佛菩薩  
并聲聞衆以飲食衣服坐臥之物病緣醫藥及諸樂  
具供給供養經碗伽沙劫彼諸佛入涅槃後造七  
寶塔廣一由旬高百由旬衆寶界道摩尼真珠殊妙

嚴飾豎立種種寶幢旛蓋自在王寶妙網垂覆種種莊嚴若復有人深心清淨能於如是入諸佛境界智光明莊嚴甚深正法聞已信解或復悟入起清淨心少略乃至一四句偈爲人演說此所獲福不可稱數現證佛智成辦福行殊勝事業比前菩薩布施福蘊百分不及一千分不及一千百千分不及一千俱胝分不及一百千俱胝分不及一筭分數分及譬喻分乃至烏波尼殺曇分皆不及一又妙吉祥若有在家菩薩於阿僧祇宛伽沙數諸佛菩薩及聲聞所以其飲食衣服坐臥之具病緣醫藥經阿僧祇宛伽沙劫恭敬供養或有出家菩薩戒行清淨深心具足於其一切牛畜聚中少略乃至施以一食此獲福蘊比前福蘊百分不及一千分不及一千百千分不及一千俱胝分不及一百千俱胝分不及一筭分數分及譬喻分乃至烏波尼殺曇分皆不及一又妙吉祥者三千大千世界如微塵等出家菩薩戒行具足深心清淨者一一菩薩於十方世界阿僧祇宛伽沙數諸佛菩薩及聲聞所以其飲食衣服坐臥之具病緣醫藥經阿僧祇宛伽沙數劫中供給供養彼諸菩薩所獲福蘊其數無量若有菩薩或在家者或出家者戒行具足

深心清淨於此正法聞已信解若自書寫或教人書此所獲福比前菩薩布施福蘊倍復增勝百分不及一千分不及一百千俱胝等數譬喻皆不及一又妙吉祥若有菩薩以三千大千世界滿中七寶經三千大千世界微塵數劫布施供養佛菩薩等若有菩薩於此正法少略乃至一四句偈能解入者此所獲福比前福蘊百分不及一千分不及一百千俱胝等數譬喻皆不及一妙吉祥且置如上經三千大千世界微塵數劫布施福行妙吉祥假使阿僧祇碗伽沙數等諸菩薩一一菩薩皆於阿僧祇碗伽沙數佛刹土中以闍浮檀金所成諸妙寶樹及殊妙衣服普徧光明真珠摩尼寶網垂覆自在王摩尼寶所成樓閣以電光明摩尼寶而爲界道豎立殊妙幢旛寶蓋圓滿作已普爲阿僧祇碗伽沙數佛世尊等日日供養如是經于阿僧祇碗伽沙劫修布施行或有菩薩於此最上甚深正法生信解已少略乃至一四句偈爲餘菩薩如理宣說令其解入此獲福蘊比前菩薩布施福蘊百分不及一千分不及一百千俱胝等數譬喻皆不及一又妙吉祥正使三界成已所有一切地獄餓鬼畜生趣中諸衆生類若有在家菩薩爲彼地獄

餓鬼畜生趣中一切衆生普令救拔得出離已皆悉  
建立成緣覺果若有出家菩薩於諸牛畜聚中少略  
乃至施以一食此所獲福無有稱量又妙吉祥正使  
十方所有一切佛刹土中不可說俱胝那庾多百千  
如微塵等出家菩薩一一菩薩於十方世界一一方  
分皆有十佛刹不可說俱胝那庾多百千如微塵等  
諸佛世尊彼一一佛并諸菩薩聲聞大衆經十佛刹  
不可說俱胝那庾多百千微塵數劫以飲食衣服坐  
臥之具病緣醫藥爲彼一一諸佛如來於日日中以  
十佛刹不可說俱胝那庾多百千如微塵等世界充  
滿自在王摩尼妙寶布施供養若有菩薩於此正法  
生信解已於其牛畜聚中少略乃至施以一食此所  
獲福比前菩薩布施福蘊百分不及一千分不及一  
百千俱胝等數譬喻皆不及一何以故今此正法若  
得聞者卽得不退轉諸大菩薩大智印故又妙吉祥  
若有菩薩能爲十方一切世界一切衆生悉令建立  
皆住隨信行地若有菩薩爲一衆生建立令住隨義  
行地此所獲福無有稱量又妙吉祥若有菩薩能爲  
十方一切世界一切衆生建立令住隨法行地若有  
菩薩爲一衆生建立令住須陀洹果此所獲福無有

稱量又妙吉祥若有菩薩能爲十方一切世界一切衆生建立令住須陀洹果若有菩薩爲一衆生建立令住斯陀含果此所獲福無有稱量又妙吉祥若有菩薩能爲十方一切世界一切衆生建立令住斯陀含果若有菩薩爲一衆生建立令住阿那含果此所獲福無有稱量又妙吉祥若有菩薩能爲十方一切世界一切衆生建立令住阿那含果若有菩薩爲一衆生建立令住阿羅漢果此所獲福不可稱量又妙吉祥若有菩薩能爲十方一切世界一切衆生建立令住阿羅漢果若有菩薩爲一衆生建立令住阿羅漢果若有菩薩能爲十方一切世界一切衆生建立令住緣覺之果此所獲福無有稱量又妙吉祥若有菩薩能爲十方一切世界一切衆生建立令住緣覺之果若有菩薩爲一衆生建立令發大菩提心此所獲福無有稱量又妙吉祥若有菩薩能爲十方一切世界一切衆生建立令發菩提心已若有菩薩爲一衆生建立令住不退轉位此所獲福無有稱量又妙吉祥正使菩薩普爲一切衆生建立皆住不退轉位若有菩薩發清淨心於此最上甚深正法生信解已能自書寫或教人書或復爲他廣大宣說少略乃至令一衆生於此最上甚深正法信解悟入者所獲福蘊無量無

數不可稱計爾時世尊普爲大衆說伽陀曰  
若有諸菩薩 供十俱胝佛 受持正法門  
極盡時邊際 復於甚深典 愛樂而聽受  
此福廣無邊 果報中最勝 若有諸菩薩  
神力徃十方 十俱胝佛所 親近而供養  
徧禮人中尊 最上諸正士 慰愍諸衆生  
增長衆利樂 今此甚深經 諸佛共宣說  
若能爲他人 須臾敷演者 是卽佛教中  
善開發淨信 彼所獲福果 廣大復最勝  
諸佛大悲愍 宣示此正法 如廣大燈明

普照人天界 中有猛利慧 及具大力者  
能發信解心 速得成佛果 如是善逝教  
若有得聞者 聞已復爲他 展轉而宣演  
如爲彼諸佛 最上人中尊 入大無餘依  
清淨涅槃已 能建立寶塔 增聳復殊妙  
衆寶所莊嚴 高踰有頂際 豎立勝旛蓋  
寶鈴出妙聲 上徹有頂天 嚴好而廣大  
若有諸菩薩 愛樂此經典 於如是相中  
聞已發淨信 於彼清淨處 安布是正法  
此所獲福蘊 廣大而最勝 若有諸菩薩

經

卷五

之四

受持此正法 廣爲他流通 滌除恪法垢  
 此所獲福蘊 功德勝無量 趣求大菩提  
 隨願而獲得 此甚深經典 諸佛之所宣  
 諸大菩薩衆 多受持宣演 十方一切佛  
 悉於虛空界 普現諸佛身 令一切瞻仰  
 佛說此經已妙吉祥菩薩摩訶薩并餘無數不思議  
 不可說諸菩薩衆及大聲聞 一切世間天人阿修羅  
 乾闥婆等聞佛所說皆大歡喜信受奉行

佛說大乘入諸佛境界智光明莊嚴經卷第五

佛說大乘智印經卷第一

第一二節  
二同卷

西天三藏寶法大師賜紫沙門翟祥等奉 詔譯

如是我聞一時世尊入王舍大城次第乞食受施充  
 足還迦蘭阨林食時食已結跏趺坐與大比丘衆及  
 諸菩薩百萬人俱歡喜圍繞是諸大衆皆得陀羅尼  
 平等無礙心悟總持得三摩地安住空性無相無願  
 解脫法門具足無量殊勝功德言議思惟皆不可及  
 爲衆所知爲衆所識寂靜安住如是法門於諸分別  
 悉皆平等不隨世間衆所好樂了知衆生差別識性  
 於一切時所知善惡離諸憎愛一味平等爾時世尊

經

二

之七

忽於眉間放大光明是諸衆會咸皆悚慄肅恭合掌瞻仰如來目不暫捨世尊告言汝等應當繫心思惟安住如來所知境界於我我所好惡分別悉皆遠離若於自身毀譽等觀苦樂一切審知衆生由染污緣受差別相遊處好樂晝夜不捨以方便力悉使斷除觀諸衆生種種造作諸不善業隨順他教競共馳逐與諸同分安處動作無義利業斯由有情識心愚昧於真實境無所了知失勝善心逐惡朋友不解思惟深遠勝法真實義諦起諸分別謂爲真實無揀擇慧闕定信心於佛言教及衆妙行不生好樂設復修善

無應正理著有著空互爲究竟我以如來智印三摩地力悉能了知汝等應當於是有情深心憐愍是諸大衆聞如是說讚歎如來勝定功力悉能了知如是差別爾時世尊作是語已乃入如來智印三摩地是諸大衆覩佛如來入是勝定於佛身相及種種相一切衆會忽皆不見不能了知如來所著法衣及近身衣亦復不見不能了知如來所有四威儀相乃至一切動轉之相皆不可見不能了知所以者何以是安住如是智印三摩地勝功德力心無動轉不可測量故復次如

來由勝定力於諸外境種種莊嚴一切衆會皆不可見不能了知於諸所住清淨國土皆不得見不能了知所以者何以是安住如來智印三摩地勝功德力心無動轉不可測量故爾時大衆於佛形相既無所見各各稱讚勝定功德承佛威力深心所求離諸怖畏爾時如來復於定中放大光明徧照三千大千世界其間所有日月星辰電火藥珠種種光明悉皆掩蔽復於定中發生異香其香微妙不與世間栴檀沉水諸香爲比是時色無色天梵王帝釋及諸天人四衆八部大鐵圍山小鐵圍山及須彌山衆山之王水陸空界幽暗之處一切有情咸覩光明歎未曾有各尋是光至迦蘭陀林各隨所有香華衣服寶冠瓔珞以爲供養見是會中諸大菩薩及聲聞衆如大池中蓮華開敷異香芬馥集在衆會時諸人天聞是香已各各皆得智慧明了復於空中有寶瓔珞上妙衣服蓮華開敷異香芬馥集在衆會時諸人天聞是香已退坐一面爾時東方如一酤祇陀伽沙數一一沙數處處垂下嚴飾供養時諸大衆咸皆歡喜恭敬禮拜如是如來各集衆會菩薩摩訶薩阿僧祇數不可稱量是諸菩薩悟證平等當得阿耨多羅三藐三菩提

諸身色相微妙具足人天衆會皆無與等爾時一切  
分身如來各各告語諸菩薩言善男子娑婆世界有  
佛世尊號釋迦牟尼應正等覺出現於世化諸有情  
離衆罪垢經無量時演說正法示佛知見甚深難解  
有陀羅尼門名如來智印三摩地三摩鉢提我今爲  
汝略而讚說諸善男子汝等諦聽諸菩薩摩訶薩於  
百千劫具足修行六到彼岸具大智慧福德無量悟  
證修習常無懈廢永離罪垢捨衆惡緣住三摩地得  
佛智慧心無動轉以無動心了悟諸法若諸有情親  
近如來及大菩薩熏修智慧三業恭敬以勝法財修  
諸供養經無量時不如於此一剎那頃安住如是勝  
三摩地所獲功德不可較量常生勝處諸佛國土爾  
時諸佛作是語已安住禪定以神通力攝諸菩薩詣  
娑婆世界示同一身入王舍城次第乞食受施充足  
至迦蘭陀林乃與衆會分食妙供是諸衆會無不霑  
足飯食已訖攝斂衣鉢跏趺而坐一切國土所來諸  
佛及諸菩薩亦復如是無二無別復次南方如一酷  
眠殞伽沙數一一沙數爲一酷眠爾所國土一切諸  
佛攝諸菩薩從彼國來集會亦爾如東方南方西方  
北方四維上下一切諸佛諸大菩薩皆來集會亦復

如是爾時釋迦牟尼應正等覺見所分身一切諸佛  
皆來集會心相怡悅唯佛與佛乃得相見時諸如來  
同入如是智印三摩地三摩鉢提靜意廓如動亂止  
息以不動心明照諸法無二無別諸佛身相亦復不  
現爾時此會人天大衆見是十方無數諸佛皆來集  
會以勝定力身相不現咸皆驚喜整衣合掌右繞三  
匝以寶蓮華及衆妙華諸色具足持以供養是時集  
會無量世界諸大菩薩得清淨心具正法眼於一切  
時心相澄寂各各當得阿耨多羅三藐三菩提者見  
釋迦牟尼如來應正等覺與諸如來安住如是智印

三摩地三摩鉢提由勝定力隱諸色相志願希求深  
心歡喜以精意力不起於坐覺智現前入佛境界得  
陀羅尼門時諸菩薩告此娑婆世界諸大衆言善男  
子汝等應當於佛功德眷戀希求於諸有情繫心憐  
愍知諸菩薩摩訶薩於百千劫行六波羅蜜具大智  
慧福德無量於一切法悉皆了知離諸戲論處深禪  
定不忘不愚達諸性相於是勝法應當願求爾時三  
千大千世界聲聞緣覺具大智慧得大神通捨生死  
岸離煩惱縛於自涅槃修證圓滿大慈芻衆及諸宰  
官婆羅門邬婆索迦邬婆斯迦如是等衆咸來至此

王舍大城迦蘭陀林釋迦如來應正等覺及分身佛會繞百千匝恭敬禮拜各以上妙雜色蓮華其華千葉七寶間錯過無量數以爲供養復有八十酤胝那庾多數諸大菩薩摩訶薩衆是諸菩薩皆是他方國土中諸佛如來之所遣使有大勇猛不怖生死有大慈悲不樂涅槃各以神力入大禪定現諸威儀從彼彼土如彈指頃到王舍城迦蘭陀林釋迦牟尼應正等覺及分身佛會三業恭敬以清淨妙音尊重讚歎見諸佛身隱晦不現渴仰世尊圍繞衆會頭面作禮退處一面各各於寶蓮華上結跏趺坐復有三億諸比丘衆樂修已利求解脫者承於如來智印三摩地力而來集會是時他方三千大千世界帝釋梵王大自在天淨居天子日月星辰及諸一切天龍樂又乾闥婆阿蘇囉緊那囉摩虎羅伽及比丘比丘尼優婆塞優婆夷人非人等各并眷屬覩佛光明皆來集會如是等衆譬如有人髮密修長將一一髮剪如微塵如一人髮至千萬人髮亦復如是以一髮塵爲一衆生是赴會衆復過是數爾時尊者大目乾連摩訶俱緋羅摩訶迦栴延摩訶迦葉波摩訶富樓那彌多羅尼子摩訶須菩提等知諸大衆雖在會中而不覩

見如來身色及與住處于時尊者舍利弗從座而起至妙吉祥童真菩薩前白言仁者今此世尊入是如來智印三摩地而我等輩云何不能見如來身及與住處時妙吉祥童真菩薩告舍利弗言汝諸聲聞具大智慧得諸解脫常修梵行離諸怖畏一切人天悉皆恭敬汝等應當各各依自所得三摩地門以智慧力觀察如來身色住處時舍利弗等卽時各各入自所得三摩地門以智慧力觀察推求如來色身及與住處徧於三千大千世界微塵刹土窮盡神力皆不能見時舍利弗白妙吉祥童真菩薩言我等依自所

得三摩地門以智慧力觀察推求如來色身及與住處了不可見惟願仁者爲我等輩分別指示咸令得見時妙吉祥童真菩薩告舍利弗言汝諸聲聞雖具智慧及與神通而於如來智印三摩地門不能思惟故於佛身及所住處不能得見所以者何汝諸聲聞以差別心觀視如來色身住處由此分別自爲障礙是如來身非分別心所能觀見若以汝身卽如來身汝等所住卽如來住乃至一切有情之身卽如來身一切有情之所住卽如來住空有一相自他無二不含有爲而證無爲不離無爲而悟有爲以如是心

觀如來身及與住處爾乃可見汝等旣用有分別心  
欲見如來無相境界設經無量塵沙劫數莫復能得  
於是衆會悲感懊惱離分別心安住正念身心內外  
猶如虛空寂靜而住爾時世尊從禪定起其心廣大  
如海汪洋澄清映徹如淨瑠璃普觀衆生若身若土  
與諸如來平等不二身相廓然衆會皆覩是時三千  
大千世界皆大振動一切諸天心大歡喜離諸怖畏  
於虛空中雨天寶華其華微妙繽紛而下又於空中  
作天妓樂種種歌詠上妙音聲琴瑟箜篌琵琶笙簫  
是諸樂器不鼓自鳴於是會中以爲供養于時舍利

弗從座而起至世尊前曲躬合掌而白佛言大悲世  
尊如來所入智印三昧而我等輩無所覺知各以神  
通入自所得三摩地門以智慧力周徧推求如來身  
色及與住處杳不可得不能了知是我等輩先自所  
得三摩地門及智慧力狹劣短促未得如來無相正  
智自在法門惟願世尊大慈悲力深加憐愍與我等  
輩而爲開導於佛知見定慧法門使令悟入於無相  
境任運現前爾時佛告舍利弗我入如是智印三摩  
地非汝聲聞及諸緣覺所得智慧之所了解及能推  
求唯佛與佛乃能知之何以故如來色身由無動心

離諸希求捨分別緣絕自他相凝然湛寂勝智功力之所任持大定如如爲一體相若汝聲聞及諸緣覺唯求自利不樂利他所證法門及智慧境未解融通自他隔閡空有互違於佛如來法空無相智印三昧難解難入是故汝等於佛身相及與住處不可得見亦不了知

佛說大乘智印經卷第一

佛說大乘智印經卷第二

西天三藏寶法大師賜紫沙門智吉祥等奉 詔譯

爾時佛告舍利弗諸佛如來若身若心所獲功德難修難證亦難悟入何以故舍利弗諸佛如來眼觀諸色是識不以色境而動耳聽諸聲是識不以聲境而動鼻覴諸香是識不以香境而動舌嘗諸味是識不以味境而動身取諸觸是識不以觸境而動所以者何識智自在不於外境妄計好醜起愛憎故舍利弗諸佛如來意緣諸法勝智相應了知所觀無生非無生是得最上無生寂靜非寂靜是得最上寂靜禪定

非禪定是得最上禪定律儀非律儀是得最上律儀  
戲論非戲論是離最上戲論分別非分別是離最上  
分別斷滅非斷滅是得最上斷滅舍利弗諸佛如來  
凡有所說離諸虛妄無不真實義味充饒止息諍論  
心相平等離諸異相不平等法能令聞者除去惡欲  
不生邪見離邪思惟舍利弗諸佛如來若於所證無  
去無來不常不斷非空非有離見離聞無大小形無  
方圓相舍利弗諸佛如來於能證道相性圓滿智慧  
光明遠離異相及非異相無諸揀擇及非揀擇體若  
金剛無破壞故用如虛空無取捨故於勝善法無所

愛著於廣大行亦無怖畏心相空寂離論聞見舍利  
弗諸佛如來於所安住邊際勝定清淨圓滿不厭聞  
鬧不樂空寂於一切時而常遊戲於法非法情器差  
別悉能了悟無不如境定力堅固縱遇惡緣不可破  
壞舍利弗諸佛如來於諸世間尊貴富饒一切樂境  
如夢如幻如棄遺跡不依輔相宰官大婆羅門而有  
所求是故不爲名聞利養之所繫縛舍利弗諸佛如  
來或有所聞情非情聲不緣此故而生差別無差別  
心亦復遠離舍利弗諸佛如來於諸所緣決定境相  
不生勝解非勝解心亦復遠離舍利弗諸佛如來於

諸時分不計延促有盡無盡成壞差別非差別心亦復遠離了知諸法無言無說離去來今於心心所無有相應無不相應思惟計念悉皆不生無有此岸無有彼岸於諸情器無上中下深心堅固不可破壞舍利弗諸佛如來所有身相無所動作離諸事業怨憎違戾信向親厚以平等慈隱顯不二由昔因中離無邊障修無邊行於諸衆生施大悲智真實觀察隨其所宜具能饒益令諸有情應自所求歡喜滿足故於所得身相智慧唯自證知餘無所解於自身色無有齊限與虛空等無有隱顯周徧一切勝功德力之所莊嚴相好圓滿無有缺減於蘊處界中無在無不在於諸有情所習事業悉能棄捨除方便智示現修作內心清淨外色清淨舍利弗如上所說皆是如來若身若心勝善功德莊嚴之相周徧平等若以汝等分別之心欲見如來勝定任持所有身相是如來身不可得見爾時舍利弗重白佛言世尊云何如來色身圓滿得名無相云何智印三摩地周徧平等爾時世尊欲重宣此義而說偈言

如來身心相 由定智所生 不假外境牽  
識相分別動 意緣一切法 與身無有異

離是非差別 所得爲最上 若以小智力  
欲見善逝身 如月印晴空 妄謂水中現  
身相本微妙 復由勝定持 離長短方圓  
無去來住立 內心寂不動 澄靜若虛空  
息泯身心相 自然無所有 以無所有心  
不著香味觸 離諸蘊處界 以此觀如來  
如見水中月 雖不得真實 既離分別心  
是亦名爲見 如來智印門 非我獨能證  
若大心衆生 希求無厭倦 得最上等持  
依此勝定力 於佛智印門 亦當無所得

此經所生福 無盡如虛空 我以方便智  
少略而讚說 十方諸佛土 百千酤胝刹  
滿中諸珍寶 若人持供養 時經無量劫  
不如聞是經 書寫或受持 是人所得福  
比前行施者 復倍河沙數 若人行慈心  
饒益諸有情 不如依此經 悟佛三摩地  
若於衆生界 心常行忍辱 不如彈指頃  
修習殊勝定 其所生功德 猶如須彌山  
將以對微塵 大小莫爲比 若人行精進  
勇猛爲諸善 不如聞此經 依教悟其理

所獲諸功德 百千萬億分 若以共較量  
比況不及一 若人修禪定 安住無量劫  
坐臥若經行 周徧諸佛刹 不如一時中  
聞此經功德 若於塵沙劫 能修習智慧  
斷除煩惱纏 名聞普周徧 不如剎那時  
讚佛智印海 如以大海水 比較於一滴  
若欲觀佛者 須離諸名相 了知諸法性  
非空亦非有 若但了知空 設如蘇部底  
於佛智印門 亦無所悟入

爾時世尊說是偈已告舍利弗如我所說如來智印  
三摩地法若諸菩薩能於十方諸佛世界爲欲圓滿  
無礙智慧應當修學是三摩地晝夜精進身心安住  
而不散亂亦不懈廢舍利弗如是菩薩摩訶薩若欲  
願見十方世界諸佛國土一切如來悉皆能見舍利  
弗此三摩地是菩薩摩訶薩無量無邊最勝法門甚  
深法眼而於諸法得無障礙通達了知無所忘失是  
名如來最勝總持唵羅尼門若諸菩薩心欲圓滿一  
切說相爲欲成就無上菩提微妙體性應當志心精  
勤修學是三摩地智印法門若諸菩薩隨欲遠離諸  
惡業行無諸障礙成就最上清淨之法以智慧力摧

伏怨魔遠離不善諸相平等如如來智無諸染穢諸業障盡清淨無垢安住如來究竟智地能使諸惡一切魔怨咸皆止息無所退動覺智明了知彼一切諸衆生等種種分別愛樂境相善不善業因果差別了知一切諸衆生等意地微細煩惱結縛善能知彼解諸有情一切縛法應當修學如來所說方便最上勝三摩地智印法門若諸菩薩欲令衆生志樂堅固心欲思惟求無上法應當精勤修習如是三摩地門自然成就無上勝法若諸菩薩意欲宣說諸佛如來應諸有情種種根病對治等法應當精勤修習如是三摩地門自然於法分別演說無有障礙若諸菩薩心欲於彼三乘聖法分別曉悟真俗諦相甚深法義應當精勤修習如是三摩地門自然於法智慧明了不生闇鈍若諸菩薩欲於酤祇百千劫數了悟生滅幻化不堅能證諸法真實自性清淨解脫應當精勤修習如是勝三摩地若諸菩薩欲於生滅十二因緣無明爲始發生意行招集苦報貪染執著愛欲增盛假有聚成生死病相變易無常流轉諸趣於生滅因而自覺悟應當精勤修習如是勝三摩地若諸菩薩欲了一切雜類有情起見造業報相差別心識明昧正

念顛倒異分有情如實了知根性利鈍方便教示漸令悟入真實正法住信行地應當精勤修習如是勝三摩地若諸菩薩意樂成就諸佛國土清淨業因純善境界身心寂靜眷屬調順遠離嫉妒憍慢過失親近恭敬平等愛樂無怨憎想應當精勤修習如是勝三摩地若諸菩薩意欲發萌自身智慧勝妙光明照曜自他生死黑暗愚癡重障斷三界惑滅諸苦報自在解脫應當精勤修習如是勝三摩地若諸菩薩欲知十方所有世界一切有情死此生彼壽命延促所經長劫及以利那生滅分限定由先業招引勢力所感如是自類果報如實了知前後決定壽命根本應當精勤修習如是勝三摩地若諸菩薩欲知聲聞及辟支迦菩薩如來從自因地所行妙行於四聖諦斷滅修證十二因緣逆順觀察寂然自覺微妙甚深十到彼岸清淨因行各各獲得究竟果報應當精勤修習如是勝三摩地若諸菩薩欲於一切語言音聲角論辯捷應時訶對不疎不謬方便善巧於諸世俗及以勝義顯示明了令人易解不生疑惑印證決定應當精勤修習如是勝三摩地若諸菩薩意欲了知佛法正因三乘善行方便隨順根本差別有上中下稱

性悟入菩薩因地漸以熏修植諸善本得如來智應  
當精勤修習如是勝三摩地若諸菩薩意欲成就諸  
佛如來圓滿覺智不起分別現種種身以平等慈任  
運攝受一切有情令各生起歡喜愛樂修學菩薩心  
地行願應當精勤修習如是勝三摩地舍利弗如我  
所說三摩地法是爲最勝如摩尼珠一切有情凡所  
樂欲悉得如意無不滿足舍利弗若諸菩薩摩訶薩  
等得此如來三摩地法一切所須諸法聖財及微妙  
行悉得如意行願圓滿是故應當精勤修學爾時世  
尊欲重宣此義而說偈言

如來所有智 最上更無等 隨性相差別  
一切皆能證 平等智光明 普照諸縛著  
能入智慧門 得無量自在 智相及智性  
能印證諸法 分別諸善惡 及世俗勝義  
曉了如是法 智慧無有盡 譬如大明日  
光照於三界 普於諸幽暗 一切皆破壞  
成就平等法 是真實聖智 一切三摩地  
皆從智印出 名爲諸佛種 亦名大摩尼  
利益諸有情 亦如世間人 有最勝珍寶  
財富無有盡 濟諸貧乏者 皆令得充足

法財施衆生 亦復無有盡 神通及智慧  
最勝妙法門 皆從三摩地 智印寶所生  
譬如諸國土 有大摩尼珠 諸王皆愛樂  
臣佐普護持 如是摩尼寶 諸寶無有上  
我說智印寶 殊勝最第一 總持智光明  
破壞於諸見 境界悉明了 遠離諸冥暗  
安住寂靜心 不分別好醜 修清淨智慧  
財法無窮盡 貪染無所著 無六十二見  
正念悉平等 入甘露法門 速得如來智  
成就相好身 具足三十二 得最勝菩提  
等一切佛覺 妙智已圓明 到菩提彼岸  
證涅槃自性 具自他圓滿 功德悉成就  
無量無邊際 甚深微妙法 總持陀羅尼  
解脫常寂靜 能具足十力 又以大願海  
布施波羅密 持戒及忍辱 精進與禪定  
智慧常堅固 安住六度中 長時無間斷  
無有諸怖畏 離煩惱苦業 魔羅與眷屬  
不能得其便 能引導衆生 不捨於正法  
漸入如來家 得遊智印門 能於賢劫中  
及十方世界 一切諸佛會 親近皆隨喜

是名真佛子 無有能破壞 若有信解人  
能書寫此經 或讀誦受持 愛樂廣流布  
長時無懈倦 於義味明了 當知如是經  
三世諸佛母 出生智印寶 如來功德藏

佛說大乘智印經卷第二

佛說大乘智印經卷第三

西天三藏寶法大師賜紫沙門智吉祥等奉

詔譯

爾時會中復有彌伽沙那庾多數一切菩薩聞佛如來說是三摩地離諸障礙心得解脫於陀羅尼祕密深法隨意悟入印證明了決定住持復有六十八那庾多菩薩於百千劫已修習禪定解脫離諸妄想生死怖畏常樂熏修微妙勝行聞此最上三摩地法心懷踴躍於阿耨多羅三藐三菩提得不退轉證陀羅尼音聲辯才得無礙解復有六十億諸天及人聞佛所說智印法門歡喜無量恭敬讚歎禮拜供養而於

阿耨多羅三藐三菩提心生愛樂於三摩地甚深勝法無有疑惑咸生信解於菩提心堅固不捨於智印門勇猛精進由大願力修諸善本根性成熟便得住於阿惟越致信受如來所行行願心意決定無諸退屈于時世尊知彼善根因緣純熟欲授其記告諸菩薩言善哉善哉汝等從此過三十億劫各各於諸佛國土具足修習六波羅蜜所有難行最勝行願一切皆能圓滿成就種習俱盡得大菩提皆當作佛悉同一號名無畏如來汝天人衆諸善男子已於過去無量佛所植衆善本信樂大乘今於此會得聞如是微妙甚深希有之法欣樂受持諸善男子汝等從此過億千劫同得作佛皆同智印如來爾時世尊爲彼菩薩及天人衆授佛記已普觀衆會以柔軟音語妙吉祥童真菩薩言我觀此會菩薩天人雖各於彼最上菩提發堅固心勇猛不退未能於彼末世邪見道中建立正法唯汝能於三千世界五濁惡時利益安樂一切衆生方便守護分別演說於一切處廣令流布使離虛妄及諸愛染不爲名譽之所縛著爾時妙吉祥童真菩薩從座而起端容整服右膝著地胡跪合掌頂禮世尊持種種華以爲供養瞻仰讚歎得未曾

有而白佛言善哉世尊如我觀察一切諸法皆不可得而我願樂守護無上正等菩提及願樂心亦不可取世尊此菩提道性離分別非在內外中間無見無聞非取非捨圓滿寂靜不可相求離戲論故是時會中復有三百酤胝菩薩從座而起頭面作禮恭敬讚歎而白佛言我等亦當守護世尊無量阿僧祇那庾多酤胝數劫所得阿耨多羅三藐三菩提祕密甚深難解之法於未來世方便爲人受持讀誦敷繹妙義書寫恭敬供養于時一切菩薩作是語已各各脫身所著上衣而用供養發是願竟退坐一面爾時世尊告彌勒菩薩摩訶薩言汝能具足廣大慈悲於後末世若諸衆生不樂正法於如是時護持此法令諸衆生不生邪見爾時彌勒菩薩摩訶薩於世尊前頭面作禮而白佛言我當願於五濁惡世方便守護是三摩地令不斷絕使諸邪見散亂衆生漸次悟入摩訶衍囊最勝妙法世尊復告彌勒菩薩言今此會中三百八千酤胝菩薩安住是法信解受持心生願樂精進修學誓不退捨復有菩薩心未堅固而於是法不能受持亦不愛樂於後末世五濁劫中不能護持如來無量阿僧祇劫庾多酤胝劫數所修阿耨多羅三

藐三菩提法於是法中轉生諍訟及諸煩惱不能任持愛樂修學彌勒菩薩復白佛言世尊云何菩薩而不愛樂最上勝法若有菩薩意欲修習如是法行發幾種心而能成就爾時世尊告彌勒菩薩言諦聽諦聽善男子由諸菩薩俱生我法愚癡闇鈍以爲障礙雖有智慧而不明了故於菩提無決定心數數退捨多不愛樂若有菩薩欲於如是勝三摩地智印上乘堅固趣求意樂證入應於菩提發七種心云何七種一者如佛世尊往昔因地訪善知識不惜身命爲求佛道發菩提心二者於諸微妙一切勝法愛樂修學

專心守護爲如是等發菩提心三者現諸有情有種種苦晝夜憂惱無解脫時起大悲心普欲救拔爲如是等發菩提心四者普欲利益一切衆生無怨親想皆得快樂自在解脫爲如是等發菩提心五者普於一切諸衆生等歡喜布施方便攝受令離怖畏於如來法不生怯弱爲如是等發菩提心六者見諸菩薩發菩提心而生欣樂親近修學同諸菩薩發菩提心七者爲聞如來身相殊勝功德圓滿第一清淨爲求出世無垢聖果發菩提心善男子如是菩薩發此七種最勝妙心能於無上正等正覺漸次成就不捨衆

生守護正法是名七種發菩提心善男子若諸菩薩善能修習四無量心學佛如來甚深法藏復能成就五種勝法是諸菩薩具足名曰阿惟越致彌勒菩薩復白佛言世尊云何五法得不退轉善男子一者於諸衆生起平等心於自眷屬不生親昵於他有情亦不厭捨二者見諸有情而得利養深生歡喜善言讚美不生憎嫉煩惱之心三者於佛如來微妙勝法意願聽聞及欲宣說爲欲護持如是法藏不惜身命廣布流通相續不斷四者所有資生種種財寶無有慳惜悉能惠施一切有情及以上妙飲食湯藥平等普濟皆令充足五者於諸如來所得最上勝功德法廣大智慧祕密總持歡喜愛樂精勤修學是爲菩薩五種勝法應當於此決定趣求心不退轉佛告彌勒菩薩摩訶薩復有五法其性剛強能障菩提不得解脫云何五法一者於三乘法不能解了二者貪求利養而無厭足三者常懷憚惜不能惠捨四者諂曲不實無時間斷五者口但談空不了諸相彌勒菩薩如是五法慣習剛強覆障菩提不能成就無上聖果復有五法若諸菩薩而能具足卽於如來所說勝法開導演說堅固修習入聖性地如是菩薩名爲阿惟越致

云何五法一者無我遠離相縛不執自他二者無法  
遠離封著世俗勝義執持自性三者智性智相平等  
不二無諸憎愛寂靜湛然四者不著菩提及與衆生  
不愚善惡因果漸次五者了知如來功德色身神通  
變化成道入滅差別之相善男子如是五法具足了  
知名阿惟越致能成無上正等正覺爾時世尊而說  
偈言

無智衆生類 妄說法非法 論世俗語言  
研求於好醜 自身口意業 而不能守護  
專意修習者 愛樂於寂靜 行持戒忍辱

言語常柔軟 能護持菩提 如犀牛獨處  
捨離於闡闊 常樂居空寂 如鹿在深山  
悉無諸怖畏 如是修行者 如風無所著  
爲護持深法 能捨於身命 其心無所欲  
動靜與施爲 咸皆爲饒益 智慧常明敏  
不愚諸境相 後五濁惡世 無信諸有情  
不能受是法 觸處生疑惑 無所能覺了  
妄行於邪行 狂亂心顛倒 如是愚癡人  
於此菩提法 而不能守護 亦不樂修習  
我念過去世 於燈明佛所 聞是三摩地

而發意修習 復過於百千 酷胝劫數已  
復有佛出世 號名曰髻幢 爲無量衆生  
說此三摩地 第一會說法 而有八十億  
那庾多菩薩 心得不退轉 第二會衆數  
七十那庾多 第三會說法 復有七十三  
那庾多菩薩 皆住不退地 其佛壽長遠  
身所出光明 廣六十由旬 復有比丘僧  
九百千酷胝 遠離諸苦縛 皆得阿羅漢  
時有轉輪王 號名曰福上 統領闡浮提  
地里計其數 七百千由旬 王者四天下

嬪妃及妓女 其數六酷胝 而有千王子  
諸相悉具足 其土號光慧 人民皆快樂  
有八百酷胝 諸城及園苑 上妙衆華果  
種種皆嚴好 摩尼寶莊嚴 如諸天境相  
爾時轉輪王 而於睡夢中 間有佛出世  
其名曰髻幢 於是夢覺已 尋將所領衆  
臣佐及人民 百六十酷胝 而來至佛所  
爲聞三摩地 時王聞是經 甚深真實法  
心生大歡喜 卽以諸國土 咸皆施於佛  
而以爲供養 於一切國土 用上妙栴檀

各起諸精舍 園林皆具足 金銀諸珍寶  
種種而嚴飾 如是供養佛 經於八萬歲  
安住佛法中 能遠離諸惡 於情及非情  
常興修勝善 棄捨諸愛樂 深心無所欲  
唯以真實語 化利諸眷屬 而於一日中  
所伸諸供養 其數無有邊 如是供養佛  
爲求三摩地 得名生佛家 是最上真實  
甚深微妙法 非住相能求 非妄心所得  
而此三摩地 名如來智印 時王聞是法  
棄國而出家 經於八萬歲 常習三摩地

而於晝夜中 未曾有懈廢 佛於長時中  
說法廣開悟 是譬如如來 後入般涅槃  
王造窣覩波 六十四酤胚 一一窣覩波  
各五百傘蓋 七寶以莊嚴 及諸衆妓樂  
然百千香燈 光明普照曜 種種供養具  
皆悉廣嚴備 積累計其數 七萬三千歲  
復爲諸衆生 說是三摩地 無相殊勝法  
其心無所住 若爲人恭敬 供養讚歎者  
心亦不生喜 遠離諸有相 及以諸呪術  
常護持正法 經八千酤胚 七十那庾多

安住如來法 寂然常快樂 於一切學處  
而無不具足 成就菩提法 三業悉清淨  
於諸已受學 繫心無間斷 於所未學法  
精進勤修習 以大智慧力 及勝解印持  
思惟常憶念 而無有忘失 遠離諸戲論  
及以諸異想 非如惡世中 妄行菩提行  
雖教化有情 食求於名譽 爲利養說法  
安住諸有相 言一切皆空 實不了空性  
是卽名爲著 悟心與說異 邪命不清淨  
及行於非法 口但能談空 心爲相所縛

若修如是行 究竟無所得 時福上輪王  
卽今安樂國 無量壽佛是 爾時王千子  
今此賢劫中 千佛世尊是 今此大會中  
我前聽法者 時同王出家 爲比丘者是  
憶念於往昔 酷胝那庾多 一切佛法中  
出家聞正法 聞悉能解了 由是無量劫  
行種種方便 供養於諸法 不著菩提相  
安住實際中 得見燈明佛 福智皆平等  
如爲我授記 未來世成佛 號名曰釋迦

佛說大乘智印經卷第三

音釋

酤胝

酤果五切  
張尼切

懊恨也

烏皓切

闔闢

闔胡對切  
市外門也  
闢女教切  
不靜

也嬪

昆賓切

官也

窣覩波

梵語也此云方墳亦云高顯窣蘇骨切

覩董五切

歙縣

信士吳安邦法名性

法室人金氏法名性

國同

友周文耀法名性

圓施貲共刻

計

佛說大乘智印經卷第一

第二第三

同卷

計

字九千三百九十八個

該銀四兩六錢九分

九厘

海虞弟子契慧

淨住沙彌契機

同對

計

崇禎二年季春月徑山化城寺謹

佛說大乘智印經卷第四

第五同卷

西天三藏竇法大師賜紫沙門智吉祥等奉

詔譯

爾時會中有頻婆娑王其王夫人名賢吉祥亦名酤  
胝金光阿闍世王是彼所生從座而起五體投地禮  
如來足如是禮已雙膝踞地長跪合掌色相怡悅以  
妙音聲讚歎佛德復以百千無價衆寶微妙衣服奉  
上世尊以爲供養復以五百七寶之華散虛空中成  
華雲蓋徧覆衆會時賢吉祥作是種種諸供養已而  
白佛言世尊我念未來濁惡世中諸有情類信根薄  
劣煩惱增多我願於彼信解受持此三摩地最勝法

門若見有人書寫受持聽聞讀誦爲人演說開示導化展轉流通使不斷絕普令見聞而生信解精進修習如是之人名爲法器我當於彼受持之者歡喜讚歎親近承事供給所須飲食衣服臥具醫藥諸供養具令無缺乏復以大乘甚深之法更令悟入令彼所住大乘種性速得成熟於阿耨多羅三藐三菩提法不妄分別是空不空了知諸法離言執故隨悟隨學不生戲論爲護正法於諸身命無所格惜況復世間資生之物增益煩惱生死之具唯當修學如是殊勝三摩地法作是語已退坐一面時頻婆娑王後宮八千妓女聞如是說各各發起阿耨多羅三藐三菩提心而皆願樂無上大乘欲學安住如是殊勝三摩地門各從座起合掌恭敬頭面作禮而白佛言世尊我等咸當於後未來末世之中受持如是甚深圓滿微妙之法及願守護供養受持之者時摩竭國烏波索迦烏波斯迦六十萬衆見是事已咸皆歡喜亦各發起阿耨多羅三藐三菩提心於此智印三摩地法深心隨喜作是願言我等亦願於後未來濁惡世中於是妙法圓滿護持爾時世尊知彼摩竭陀國烏波索迦烏波斯迦并賢吉祥酤胝金光夫人與後宮妓女

八千人等心口所願信解受持如是妙法長時修習  
無間無斷知諸佛果從此法生示現歡喜忻然微笑  
緣是笑故有百千種微妙色光從佛口出所謂青黃  
赤白及頗胝迦種種色相普偏世界其中衆生覩此  
光明離諸驚怖摧伏一切煩惱魔怨其光上照至有  
頂天日月光明所不照處悉皆通徹下至一切諸大  
地獄及諸惡趣苦惱休息穢惡悉除皆得清淨其光  
廻旋還至佛所右繞千匝覆世尊頂隱而不現爾時  
賢吉祥酤胝金光夫人見是光已不知如來放光義  
利復從座起整肅衣容恭敬合掌雙膝長跪頂禮世  
尊精勤三業讚歎佛德而說偈言

佛德差別無邊際      三界最勝無與等

如華開敷正芬芳      似月印空已圓滿

佛心平等離憂喜      云何今者現微笑

我今仰測笑因緣      應當演說微妙法

具足安樂十力尊      處衆猶如星中月

所說言辭義味豐      爲諸世界衆生眼

法如一雨無差別      隨諸根性令生解

梵音清徹福無邊      凡在聽聞皆歡喜

由是聞法勝因緣      得未曾有諸快樂

願佛爲作師子吼  
羣除種種諸報業  
衆生聞法皆悅可  
隨喜平等諸義味  
自他見聞及受持  
應根應時能解了  
由茲開發菩提心  
悉於所聞生尊重  
八種圓滿無漏音  
普應無邊諸性欲  
一切說法功德中  
相應諸數無違背  
令諸受化諸有情  
悟入聞持心堅固  
不爲煩惱燒其心  
使於所得無退轉  
受持禁戒衆律儀  
縱遇違緣悉能忍  
遠離塵勞無衆苦  
身心安住寂滅樂

於此菩提勝行中  
思惟修作常精進  
佛身猶如妙金山  
亦如寶塔光明聚  
蓮華出水正開敷  
凡是見聞悉瞻仰  
如師子王遊戲時  
吼大音聲伏衆獸  
惟願演是笑因緣  
令我衆會除疑惑  
佛於諸法得自在  
契合無相真實理  
令差別性諸有情  
各各三業淨無垢  
不捨衆生常護持  
令轉善因獲勝果  
十方世界諸衆生  
聞已思惟正修作  
摧伏一切煩惱熱  
如飲甘露心清涼

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

經  
釋迦牟尼佛說法會圖

白

如來所有說法聲

世間衆音莫能比

琵琶笙笛及角貝

箜篌鼓瑟妙歌唱

桴擊犍椎及鐃鉸

如是諸樂共振作

命命頻伽及鸚鵡

如是衆鳥皆和鳴

佛發微妙柔軟音

衆音相共莫能比

此十方衆來集會

毀持好惡心差別

惟願方便隨宜說

調伏彼中懶悞者

咸使悛革不善心

普圓無邊勝善願

彼從酷胝刹土來

爲聞世尊說法故

願今領悟正法音

離諸怖畏獲安樂

惟願世尊雨法雨

慈悲演說無上法

與能圓滿無漏音

究竟得成菩提果

爾時世尊聞是賢吉祥酷胝金光夫人說是偈已復於衆會而說偈言

我於無量世

殑伽沙劫中

時有大法王

名無相福光

佛壽極長遠

七十六酷胝

化諸四天下

彼土聲聞衆

其數無有量

以智印法門

引導衆生類

時有轉輪王

號名曰勝慧

王有二夫人

一名曰帝幢

其次號日光

聞是智印門

晝夜常精進

勤修諸善業 於一齋胝年 護持正法眼  
經六十齋胝 爲師導衆類 已於三十億  
無量諸佛所 積集諸功德 無量世界中  
法眼常救護 三十殑伽沙 未來世諸佛  
於彼彼世間 平等普護持 如是正法眼  
皆令不斷絕 時彼勝慧王 今阿閦佛是  
彼會清淨衆 夫人與眷屬 各各同俱生  
如是佛國土 護法心不息 復於後後時  
轉彼女人身 得成於男子 卽生於無量  
安樂佛世界 如今末世中 唯汝賢吉祥

能護如來法 任持不破壞 應以菩提心  
普偏諸佛刹 正法欲盡時 一切皆救護  
使彼覺法人 同生安樂國 坐千葉蓮華  
得諸佛相好 莊嚴皆具足 既生彼土已  
復供養諸佛 末後當次第 於彼莊嚴劫  
得成無上道 以阿耨菩提 轉授諸人天  
令發無上心 同守護正法 彼土離魔怨  
及以三毒業 不生諸罪戾 諸惡悉無有  
不處於胎臍 清淨而化生 與無數菩薩  
皆集於此會 無有諸聲聞 亦不聞名字

遠離諸惡緣 常修菩提行 捨名聞利養  
不戀著親昵 捐棄身命財 饒益有情類  
方便爲說法 普令生信解 若有能修習  
佛無上菩提 安住此法中 不求世間樂

如說而修行 普偏諸佛土 常生恭敬心  
護持諸佛法 有懷嫉妬者 應當密護持  
以大憐憫心 教誡諸有情 令如是修學  
咸離諸苦厄 如我往昔時 爲求菩提故  
於酷胝劫中 捨頭目髓腦 珍寶及妻兒  
一切無愛戀 若於我法中 不能生諦信

雖剃髮染衣 愚忘真實相 貪求名譽財  
爲利養說法 親近不律儀 廢受持讀誦  
雖欲學沙門 有失沙門行 佛說是語時  
是會人天衆 有八十酷胝 咎生悲憫心  
念彼如是人 當沈淪惡趣 同作如是言  
我願於未來 以菩提心力 平等普護持  
作如是語已 三千大千界 悉皆大震動  
諸天雨衆華 於是國土中 荆棘及便穢  
以此勝因緣 一切皆除滅 無異於諸天  
周徧悉清淨 於未來世中 有人聞如是

摩訶衍曩者 得最勝慧命 十方天人衆  
 歡喜咸恭敬 讚歎大乘經 種種諸妙義  
 一切諸龍王 夜叉羅刹衆 捨除毒惡心  
 皆恭敬供養 若末世有情 得聞此最上  
 甚深智印法 而能信解者 其人所得福  
 今略爲譬喻 如似殞伽沙 爲佛國土數  
 滿中盛珍寶 悉施供養佛 修如是勝行  
 過殞伽沙劫 其所得功德 不如聞於此  
 無上智印門 開導復演說 所獲過於彼  
 無量無邊數 是福無形相 非有爲心知

若因聞佛說 微妙智印法 發生菩提心  
 與諸法相應 依佛所宣說 如說而修行  
 又於末世中 勤觀察護念 樂於空寂處  
 一心求解脫 積集無數量 勝善諸功德  
 常以三種戒 教授諸有情 愛護憐憫心  
 如母念其子 歡喜柔軟音 教令離怨賊  
 於佛正法中 不生顛倒想 自他皆饒益  
 速令至正覺 若於三摩地 廣大智印門  
 能書寫受持 讀誦正開演 展轉授衆生  
 自他得開解 亦令俱獲得 勝善諸果報

言議與思惟 皆悉不能及 是人咸得生

諸佛安樂國 世尊見彼已 而生親善想

憐憫心護持 歡喜而攝受

爾時彌勒菩薩摩訶薩白佛言世尊有幾乘性人而能受持此三摩地智印法門於彼未來世之中護持正法於是正法而生愛樂能於如來祕密甚深智印法門而生信解好樂修行于時世尊語彌勒菩薩摩訶薩言彼五濁惡世荷負正法而生信解如是之人唯有菩薩於此惡世荷負正法而生信解如是之人甚爲希有而彼末世諸衆生等常聞闡諍妄言綺語或

壞善根於此智印最勝法門所有言說不能解了唯有菩薩於是五濁惡世之中法欲滅時於苦衆生慈念憐憫以諸方便饒益攝受如是諸人苦惱所逼若無菩薩接化引導卽於深法不能信解受持讀誦於是彌勒菩薩摩訶薩白佛言善哉世尊意爲憐憫安樂有情宣說如是甘露妙法令彼未來一切衆生得是義利生悲感心愛樂修習若彼菩薩得是法門隨順如來最上勝行堅固趣求無有破壞無上道心速能證得阿耨多羅三藐三菩提契佛道中相應勝行而不退捨爾時世尊復語彌勒菩薩摩訶薩言若有

菩薩已於往昔百世尊所親近恭敬承事供養發菩提心種種善根植衆德本於彼未來濁惡世中於此廣大無上菩提甚深妙義未能信解於此廣大智印法門不能悟入復次彌勒若有菩薩於往昔中千世尊所發菩提心親近恭敬種種善根植種德本如是菩薩於彼未來五濁世中雖遇善友發菩提心而於廣大智印法門微妙義理未能悟解數起疑惑不生愛樂不能受持讀誦書寫流通亦復不能爲人演說令生信解復次彌勒復有菩薩於往昔中經百千佛發菩提心種諸善根植衆德本於彼未來濁惡世中雖遇善友發菩提心於此廣大甚深最上智印法門信解微劣於深遠義未能悟入亦復不能受持讀誦爲人稱讚及與講說如是無上廣大菩提甚深義利復次彌勒若有菩薩乃至往昔於一酤祇佛所發菩提心種諸善根植衆德本於彼未來末世之中雖遇善友發菩提心於此廣大微妙最勝智印法門雖復聽聞書寫讀誦好樂受持於甚深義未能解了不能爲人分別解說於第一義大菩提心未能印定於此智印三摩地門無所了悟復次彌勒若有菩薩於彼往昔二十酤祇諸世尊所發菩提心種諸善根植衆

德本彼於未來末世之中雖遇善友發菩提心聞此廣大智印法門亦能聽聞讀誦受持書寫流通爲人演說然於智印三摩地法無決定心任持印可不能成就真實義利復次彌勒若有菩薩於八十酷胝諸世尊所聞此最上三摩地法如說修行復能化利諸有情類悉令信受於是佛所發菩提心種諸善根植衆德本於彼未來末世之中菩提心力聞是廣大甚深智印無上法門而能解了受持讀誦書寫流通爲人解說深心愛樂堪任護持令速圓滿於是微妙三摩地門正解了已於一切法悉皆通達復於無上菩

提廣大法中離諸分別摧伏一切諸惡魔怨破壞一切不善業障無量劫中隨有所造諸苦因行於未來世當受報者皆得解脫又於往昔造不善因至後惡世法欲滅時善心微劣破壞正法樂著外道世俗言教增長戲論行非法行出無義言不擇高下多所貪求諸惡有情見不恭敬輕慢陵辱於自所須一切乏少如是苦因由此一生證悟勝法大功德力皆得除滅復由往昔親近供養如上所說一切諸佛所集善根於彼未來末世之中發菩提心而能任持是三摩地最勝法門離諸苦縛得不退轉三業堅固不生散

亂精進趣求菩提聖果復次彌勒若諸菩薩於往昔中造不善業應墮惡道於彼未來末世之中法欲滅時聞是法門好樂受持以是因緣或以病苦怖畏交煎先世罪業卽得除滅諸根不具受諸苦惱生邪見家顛愚聚會生下賤家爲人所使生貧窮家衣食歉乏生慳貪家不能拯濟若有所說人不信受王法所加怨敵會遇親知厭棄心多憂惱慈悲法會而多障阻縱欲說法人不樂聞所欲資生飲食衣服臥具醫藥及看視人不逢惠施貧窮親附豪富棄捐或被惡人來相嬈亂憎嫉殘害所修善法不能增長或於夢中見諸惡相以是輕微諸苦逼迫先世罪業卽得消滅業障滅已設遇苦緣及諸怨賊不能爲害與魔相隨雖不遠離而能了知諸魔境界於諸名聞及與利益心不愛樂爲人親近及以恭敬尊重讚歎不以爲喜修諸善行惠施有情不生慳吝而求解脫守護尸羅無所毀壞修忍辱行饒益有情拔苦與樂修精進行策勵三業勤求衆善離諸惡欲修習禪定散亂不生以大智慧悟諸法性方便願力利樂有情聞無量法心無忘失修種種善爲利有情於世樂果不生希望令諸衆生速登彼岸復次彌勒彼諸菩薩曾於往

昔百世尊所發菩提心真實平等種諸善根植衆德  
本離諸苦縛由爲末世諸惡衆生而來惱害不能於  
此信解修習何況末世諸惡衆生不種善根迷惑散  
亂而能覺悟是故末世諸不善人於此最勝甚深之  
法不能信受如理修學復次彌勒若諸菩薩能於是  
法深生信解志意堅固被忍辱鎧降伏諸魔長時修  
行保護任持不生退屈廣大智慧無量善法從此法  
生一心希求無上菩提念念相應堅固不捨復於未  
來敷演妙義精進不倦究竟護持是三摩地最上法  
門了達一切善惡事業安住法中勤修衆行

佛說大乘智印經卷第四

## 佛說大乘智印經卷第五

西天寶輪大師賜紫沙門金總持等奉 詔譯  
爾時歡喜王菩薩彌勒菩薩妙吉祥菩薩并六十不可思議菩薩摩訶薩等在大衆中而爲上首合掌恭敬咸白佛言大悲世尊我等今者得聞如是微妙勝法於彼未來堅固守護教諸衆生發無上慧於此勝法如說而行遠離諸惡不生憍慢亦不貢高無有詣曲愛憎之心於彼自他怨親之境悉皆平等於諸如來無數酤胝百千萬億那庾多劫所得無上大法總持智印法要愛樂受持書寫讀誦乃至展轉相續流淨音而說偈言

種諸善根離詖慢 寂靜安住無諸惡  
深忍堅固不動搖 常正憶念於勝慧  
如是安住具大力 而能守護法財聚  
離諸惡行無過患 不爲名聞與利養  
無有諍訟離染著 普皆平等如虛空  
如是之人能守護 漸次得成此三昧

深忍堅固樂菩提

晝夜精進無懈廢

守護威儀離諸惡

於甚深法而增長

世間一切諸財寶

眷屬親姻無所愛

悉皆厭捨離諸著

無怨親想心平等

如是之人得成就

無上大寶三摩地

於晝夜中勤精進

能於是法生覺悟

尊重恭敬於善友

歡喜稱讚是三昧

能解世間無盡法

故於染境無所著

印忍諸法心清淨

如百駁瓶日光照

智慧光明破諸暗

能入如是深法義

是人智解離諸著

猶如日月處虛空

與大雪山等堅厚

鎮壓大地能莊嚴

亦如釋梵轉輪王

有大威儀人恭敬

亦名無上大醫王

能除種種諸病苦

盡諸業障心清淨

摧破魔羅諸眷屬

漸次成就他心智

了別種種差別心

憶念過去那庾劫

滅除煩惱熾盛火

此人善逝所稱讚

證悟菩提真空理

能入如來智印門

獲諸無邊諸寶藏

了達名相無自性

不著空有處中道

觀察五蘊如塵幻

印證四大體非真

一切有爲皆生滅

妄心造作成輪迴

勝智三昧性寂靜

離諸分別難思議

湛然三世本自如

無去無來無所動

若見末世邪見人

於佛正法著空有

又復於此無所證

自言我得法性空

是名增長衆生見

世世遠離菩提心

復見有人隨順學

涕淚悲泣身毛舉

又復末世諸釋種

具諸衰損無威儀

爲求菩提而出家

於彼菩提不安住

破戒破見毀威儀

晝夜親近不善人

爲貪利養及資生

所得還將利親族

如渡大海失浮囊

是必遙觀彼岸遠

其有上乘真釋子

棄捨如是諸世間

猶如蓮華出淤泥

本性清淨無所染

我今教汝歡喜王

應當正念常守護

摧伏妄想生真智

於此希求具衆德

精進修學無懈怠

是卽名爲諸佛子

譬如世間穀麥種

數如河沙那庾多

以此種子致良田

展轉相生無量劫

所得子實莫可量 筍數譬喻尚不及

如是展轉盡東方 河沙數種亦如是

乃至十方佛國土 所種子實無差別

如是一種爲一佛 一佛設復有百頭

一頭而現於百舌 共讚如來三摩地

於彼宛伽沙劫中 亦復宣說不能盡

如將芥子等須彌 又如纖草敵空界

或以毛頭一滴水 用對無涯四大海

如是功德共較量 譬如筭數不能及

應當於此甚深經 長時精進而修學

爾時歡喜王菩薩彌勒菩薩妙吉祥菩薩并六十二  
不可思議菩薩摩訶薩等聞佛世尊說是偈已發起堅  
固大菩提心踊躍精進復白佛言大悲世尊所有第一  
義諦最勝涅槃甚深法義我等衆會雖生信心未能  
深解惟願世尊爲我等輩分別解說于時世尊以一  
圓音語歡喜王菩薩彌勒菩薩妙吉祥菩薩并六  
十不可思議菩薩摩訶薩等言善男子如是勝法本  
來寂靜離諸分別絕諸戲論假有名言顯示宣說諸  
菩薩言大悲世尊云何此法離諸分別絕諸戲論假  
有言說方便顯示佛告善男子如是勝法雖有言說

7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5

體不可得故無分別云何此法體不可得以是勝法無修無作故不可得云何此法無修無作以是勝法本無生滅故非修作云何此法無有生滅以是勝法性離所取亦非能取故無生滅云何此法無能所取以是勝法無住無處云何此法而無住處以是勝法無變易相故無住處云何此法無變易相以是勝法無彼無此故無變易云何此法無彼無此以是勝法非有爲亦非無爲故云何此法非有爲亦非無爲以是勝法非虛非實故云何此法非虛非實以是勝法非心亦非非心故云何此法非心亦非非心以是勝法不可了別故云何此法不可了別以是勝法無有識變故云何此法無有識變以是勝法非相應非不相應故云何此法非相應非不相應以是勝法自性平等故云何此法自性平等以是勝法不可相求故云何此法不可相求以是勝法無安住相故云何此法無安住相以是勝法無有自相故云何此法本性空寂以是勝法無染著故云何此法無染著以是勝法離彼言說清淨故善男子由是勝法離諸分別無修無作乃至離彼言說性清淨故名爲涅槃爾時歡喜王菩

經  
一  
佛說大乘智度論卷五  
七  
之八

東京大学総合図書館所蔵

薩彌勒菩薩妙吉祥菩薩并六十不可思議菩薩摩訶薩等而白佛言世尊如是勝法人所難解世尊一切諸法入法界性了無所得如是法性令我等輩云何守護佛告歡喜王菩薩妙吉祥菩薩并六十不可思議菩薩摩訶薩言善男子等如是勝法不可思議離諸分別及以戲論若於是法起分別想及以戲論則法有二若法有二則墮生滅何以故此無上法第一義諦亦無有生亦無有滅如是了知是名守護爾時世尊爲諸菩薩復說偈言

無作勝法非空有 緣諸言說及分別

若有得法著二邊 是名分別諸戲論  
而於是法不相應 但能增長於染慧  
此法無相無憎愛 緣諸推求無所得  
若自說言我忍空 自生分別諸戲論  
彼諸空性不可得 以分別心難思量  
若於諸法無疑謗 是卽名爲不退轉  
離煩惱縛得解脫 於此勝法心印忍  
若人妄了生分別 尋求推度失正解  
籌量諸法著有空 以性以相本無二  
用智求智不可得 智外更無餘智慧

演說輪廻有爲相 是智非智迷真空  
 若言少分是實有 虛妄想故成生滅  
 若證真實卽能知 一切諸法本常住  
 愚人妄想成流轉 厥生死故求涅槃  
 增長我見有差別 智者了知法無二  
 明與無明本同體 由不信故懷驚怖  
 是人堅固執邊見 增長言說諸戲論  
 說有爲法名涅槃 是於正法生破壞  
 心與非心無自性 而彼自性亦非心  
 一切諸法本無相 無言無說湛然空

法從緣起非真實 諸法滅盡亦非諦  
 八諦四諦明真俗 亦名如來方便智  
 如來實智不可得 所說諸法亦復然  
 譬如醫師治諸病 隨病處方無執著  
 若能如是生覺悟 是則名爲善逝子  
 涅槃本性皆平等 廓如太虛無邊際  
 三乘聖智同涅槃 無滅無增無戲論  
 法界實無一衆生 亦無一字可言說  
 有情執自分別心 謂是涅槃無所住  
 無明妄念結輪廻 惑業生苦常相續

一真實諦離聞見 或言四種亦隨宜  
有苦報故說集因 由滅理故明道諦  
末世衆生多妄想 不爲淨行而出家  
以名利故破威儀 積煩惱故興鬭訟  
修習功德諸比丘 於此勝法能成就  
遠離名聞及資生 樂居蘭若無求取  
譬如麟角獨居山 思惟如是三摩地  
八十酷胝兩足尊 慈心加被修習者  
諸天見已咸歡喜 潛形晝夜常守護  
智慧破暗如日光 出生勝法同甘露

其有受者智印門 夢中常與諸佛會  
汝等當懷勇猛心 堅固修習無退捨  
爾時世尊復告妙吉祥童真菩薩言妙吉祥若諸菩  
薩及末世衆生爲欲成就無上菩提於是三摩地智  
印深法相應修學爲欲成就如來八十種好於是三  
摩地智印深法相應修學爲欲成就如來十八不共  
勝法於是三摩地智印深法相應修學爲欲成就如  
來十力四無所畏四無量心大慈大悲大喜大捨於  
是三摩地智印深法相應修學爲欲成就諸佛五眼  
於是三摩地智印深法相應修學欲得諸佛廣大壽

命種種莊嚴勝妙國土威德自在於此三摩地智印深法相應修學爲欲成就諸大菩薩利根聲聞欲得如來智慧色身廣大總持勝妙法門及解一切衆生言音差別心行根性具足神通辯才無礙曉了諸法於是三摩地相應修學所以者何菩薩摩訶薩若於是三摩地而得相應所獲如是種種功德普偏具足成就菩提無上大法諸法所依名無上道智出世間號正偏知自性寂靜名爲如來如說修行而無有等非等等故無起無滅出世究竟離諸言說名第一諦真實義諦無所破壞堅固調伏是名如來不可思議

最勝之法妙吉祥我由往昔修習安住是三摩地智印深法見然燈佛得無生忍授菩提記時妙吉祥菩薩而白佛言世尊如來於然燈佛所悟無生忍得菩提記於無量劫在生死中云何修諸難行苦行得成菩提佛告妙吉祥菩薩摩訶薩言我於往昔爲求佛道成熟一切諸衆生等清淨善根以大願力經無量時勤修苦行化利有情隨其根性有上中下各令悟入三乘法義漸次修行而有所證妙吉祥我於爾時因是願行而得菩提及與涅槃爾時世尊而說偈言  
若欲是法而相應  
獲得如來無量慧

十方百億諸世尊

皆悉來護修習者

若於甘露甚深法

能解一切諸妙義

是名總持陀羅尼

修習之者皆獲得

解了言音滅諸罪

能破執著解諸縛

涅槃無生亦無滅

無去無來無住處

莊嚴十力諸相好

成就一切佛功德

圓滿清淨解脫音

普應無量諸含識

所出音聲能解了

一切聞者皆歡喜

遠離邪見無分別

最勝清淨盡無垢

能於是經相應學

究竟能得菩提道

若人於彼三七日

一心思惟如是法

不生懈怠捨親緣

晝夜修習得增長

慈悲遠離於嫉妬

守護尸羅絕諍訟

獲得平等正徧知

深心歡喜常解脫

遠離造作諸緣起

譬如蓮華不染著

堅固不起諸貪愛

亦如飛禽離繫縛

得此最勝法門時

三千世界皆震動

諸天競奏妙音樂

散施末香及沈水

百千幢旛及天衣

清淨華蔓及瓔珞

摩尼珠冠及寶蓋

金鈴間錯悉莊嚴

一切諸天作歌舞

諸龍金翅修羅王

比丘僧與優婆塞

比丘尼及烏婆夷

各各脫身上妙衣

以用散佛爲供養

恭敬讚歎意思惟

誓求於此無上道

我說如是甚深法

發生菩提心不退

此會河沙信解人

究竟皆得無生忍

諸餘刹土未來衆

展轉聞法心歡喜

爾時世尊說是偈已阿僧祇數諸衆生等各各踊躍發菩提心復有八十那庾多數諸大菩薩得聞是法於無上道得不退轉復有六萬三酷胝菩薩摩訶薩

得無生法忍復有六十三酷胝菩薩摩訶薩而得三  
摩地無數衆生而得聖果十方所來諸大菩薩得悟  
如是智印三昧佛說此經已六十不可思議菩薩歡  
喜王菩薩彌勒菩薩妙吉祥菩薩摩訶薩等而爲上  
首與賢劫中諸大菩薩并賢吉祥金光夫人諸大聲  
聞一切世間天人四衆乾闥婆王阿修羅等聞佛所  
說皆大歡喜信受奉行

### 佛說大乘智印經卷第五

音釋

歎苦簞切  
不滿也

桴房鳩切擊鼓椎也

犍椎

梵語也此云磬亦云鐘律云隨有瓦木銅

經

佛說法乘義決定經卷上

三

鐵鳴者皆名健椎  
健巨寒切椎音地懶悞懶悞多惡不調也  
切相朱緣切之等切助  
近也顙蒙也拯也救也

佛說法乘義決定經卷上

西天三藏明因妙善普濟法師金總持等奉詔譯

如是我聞一時薄伽梵在舍衛國祇園精舍與大比丘衆千二百五十人俱時有一比丘名曰甚深勇猛美妙音聲善問法要初中後善利益自他能修梵行清淨圓滿敬禮合掌前白佛言世尊如來往昔鹿野苑中所說法乘決定之義是事云何唯願世尊敷演分明開示衆生皆令悟入世尊歎言善哉比丘汝如是問甚深法要最勝利益不可思議汝應諦聽善思念之吾當爲汝分別解說我於爾時說四諦法義無

縣信士吳安邦法名性法室人金氏法名性  
同支闍文耀法名性圓施賛共刻  
佛說大乘智印經卷第四第五同卷 計字七  
千九百零三個 該銀三兩九錢五分二厘  
海虞弟子契慧對  
小額二年季春日在山化城寺識

窮盡所謂五蘊五取蘊十二處十八界十二緣生支  
四聖諦法二十二根五三摩地四禪天定四無色定  
四三摩地四念處四正勤五根五力七覺支八聖道  
十六心念聲聞四果如來十力四無所畏四無礙辯  
十八不共法三十二大丈夫相八十種隨形相好佛  
言比丘如上所說是名法乘決定之義比丘復白佛  
言世尊云何五蘊世尊答言所謂色蘊受蘊想蘊行  
蘊識蘊比丘是名五蘊云何五取蘊佛言所謂色取  
蘊受取蘊想取蘊行取蘊識取蘊比丘是名五取蘊  
云何十二處佛言所謂眼爲內處色爲外處耳爲內  
處聲爲外處鼻爲內處香爲外處舌爲內處味爲外  
處身爲內處觸爲外處意爲內處法爲外處比丘是  
名十二處云何十八界佛言所謂眼界色界眼識界  
耳界聲界耳識界鼻界香界鼻識界舌界味界舌識  
界身界觸界身識界意界法界意識界比丘是名十  
八界云何十二緣生支佛言所謂無明緣行行緣識  
識緣名色名色緣六入六入緣觸觸緣受受緣愛愛  
緣取取緣有有緣生生緣老盡憂悲苦惱無明滅則  
行滅行滅則識滅識滅則名色滅名色滅則六入滅  
六入滅則觸滅觸滅則受滅受滅則愛滅愛滅則取

滅取滅則有滅有滅則生滅生滅則老盡憂悲苦惱  
滅比丘是名十二緣生支比丘復白佛言世尊云何  
名無明世尊答言所謂癡惑暗蔽無他明慧故前際  
無智後際無智現在際無智內無智外無智內外無  
智業無智果無智業果無智善作業無智惡作業無  
智因無智果無智因果法無智緣無智緣生無智緣  
生法無智無佛智無法智無僧智苦無智集無智滅  
無智道無智有恥無智無恥無智有恥無恥無智有  
恥無恥法無智乃至愛支有恥無恥法無智世無智  
出世無智世出世法無智依止無智非依止無智依  
止非依止法無智有爲無智無爲無智有爲無爲法  
無智過去無智現在無智未來無智過去現在未來  
法無智比丘是名無明云何無明緣行佛言所謂身  
行語行意行是名無明緣行云何身行動轉所作身  
爲濟渡任持諸法爲依止處是名身行云何語行能  
詮能顯分別校量諸法實性是名語行云何意行心  
所愛樂心所思惟心所攝受心所依止是名意行云  
何行緣識佛言所謂眼識耳識鼻識舌識身識意識  
比丘是名行緣識云何識緣名色佛言名謂非色四  
蘊受想行識色謂形質體卽四大是名識緣名色云

何四大佛言所謂地大水大火大風大云何四大體  
相差別所謂地以堅硬爲性水以濕潤爲性火以溫  
熱爲性風以輕動爲性比丘是名四大體相差別云  
何名色緣六入佛言所謂眼入處耳入處鼻入處舌  
入處身入處意入處比丘是名名色緣六入云何六  
入緣觸佛言所謂眼觸耳觸鼻觸舌觸身觸意觸比  
丘是名六入緣觸云何觸緣受佛言所謂眼觸生受  
謂生苦受樂受非苦非樂受耳鼻舌身意生受亦復  
如是比丘是名觸緣受比丘復白佛言世尊云何受  
緣愛佛言所謂色愛聲愛香愛味愛觸愛法愛云何  
色愛所謂一切有色可愛可樂深心戀著無有厭離  
是名色愛聲香味觸法愛亦復如是比丘是名受緣  
愛云何愛緣取佛言所謂欲取見取戒禁取我語取  
比丘是名愛緣取云何取緣有佛言所謂欲有色有  
無色有云何欲有謂欲界五趣及四王天忉利天焰  
摩天兜率天化樂天他化自在天是名欲有云何色  
有佛言所謂梵衆天梵輔天大梵天少光天無量光  
天極光天少淨天無量淨天極徧淨天無雲天福生  
天廣果天無煩天無熱天善現天善見天色究竟天  
比丘是名色有云何無色有佛言所謂空無邊處識

無邊處無所有處非想非非想處是名無色有比丘  
如是三種是謂取緣有云何有緣生佛言所謂一切  
衆生以愛取爲緣潤生五蘊住世動作隨順流轉種  
種差別所與及取皆從蘊起身之所生以命爲本比  
丘是名有緣生云何生緣老盡佛言所謂四大遷變  
諸根衰朽身體羸弱動輒疲荼博識多知智已昧劣  
一切衆生身識欲離諸根欲滅性境冥昧無所覺知  
比丘是名生緣老盡比丘復白佛言世尊云何四聖  
諦法佛言所謂苦聖諦法集聖諦法真聖諦法道聖  
諦法云何苦聖諦法所謂生苦老苦病苦壞苦愛別  
離苦冤憎會苦求不得苦五盛陰苦比丘是名苦聖  
諦法云何苦集諦法佛言所謂衆生愛著世間一切  
有及有具隨順貪欲比丘是名苦集諦法云何苦真  
諦法佛言所謂以智慧刀斷除愛著世間一切有及  
有具隨順貪欲永盡無餘入勝義諦證寂滅理是名  
苦真諦法云何苦道諦法佛言所謂八聖道支正見  
正思惟正語正業正命正念正定正精進是名苦道  
諦法云何二十二根佛言所謂眼等五根謂眼耳鼻  
舌身信等五根謂信進念定慧五受根謂苦樂憂喜  
捨三無漏根謂未知當知根已知根具知根及意命

男女比丘是名二十二根云何五三摩地佛言所謂身支五體可喜可樂無毀無損深生戀著於一切身皆生愛樂由如是心隨順染欲種種愛著不了虛幻妄執爲實是故應當如實觀察如是五體皆從四大緣會而生一心思惟安住悟入妙三摩地名身定智譬如山上散水於下流布四方如是散已不見其水地復乾涸時有天人空中告言汝若須水我有天水大泉自然湧出潔淨清涼甚可愛樂濟渡潤益無有窮盡身生定智利益無窮亦復如是復告比丘當審思惟觀察籌量此身不實勿應愛著譬如優曇鉢羅華鉢頭摩華俱勿陀華奔茶利迦華如是青黃赤白四種蓮華衆色殊好甚可愛樂皆生於水而壞於水此身變異虛幻不實亦復如是復告比丘身語意業圓滿清淨獲得勝解如實安住三摩地門以清淨心觀一切身皆非堅固譬如長者及長者子以衆珍寶新淨妙衣嚴飾其身色相雖好體非堅固能以清淨身語意業而爲莊嚴是名堅固復告比丘如是觀察善思念之此身五體有爲無常應行住坐卧四威儀中繫念思惟清淨定智堅固攝受比丘是名五三摩地比丘復白佛言世尊云何四禪定地佛言所謂離

生喜樂地離諸欲染一切煩惱故定生喜樂地已離尋伺降伏障染故離喜妙樂地安住方便作利樂行故捨念清淨地苦樂已離善惡心伏非苦非樂念已離故方便修習圓滿清淨比丘是名四禪定地云何四無色定佛言所謂空無邊處定一切色想俱已遠離平等待心如實安住故識無邊處定內識無邊如實安住故無所有處定於一切法皆無所有故非想非非想處定麤想非有細想非無故比丘是名四無色定爾時比丘復白佛言世尊云何名爲四無量心佛言所謂慈無量心悲無量心喜無量心捨無量心云何名爲慈無量心謂一切時處慈心隨順利益衆生不損害他離諸冤結以廣大心等示衆生愍念救護猶如赤子於冤親所而無差別令斷纏縛蓋皆得解脫如是名爲慈無量心悲心隨順喜心隨順捨心隨順亦復如是比丘如是名爲四無量心復有四種苦樂皆應了知所謂了知衆苦了知有苦了知衆樂了知有樂云何名爲了知衆苦謂觀一種補特伽羅所著者貪所著者嗔所著者癡於貪不怖因貪故生苦憂悲隨順於嗔不怖因嗔故生苦憂悲隨順於癡不怖因癡故生苦憂悲隨順皆悉了知於出世間五種

善根精勤修習所謂信根進根念根定根慧根次第  
獲得三摩地門名曰漏盡比丘此則名爲了知衆苦  
云何名爲了知有苦謂觀一種補特伽羅少貪少嗔  
少癡雖少分貪不懼貪過故生苦憂悲隨順雖少分  
嗔不懼嗔過故生苦憂悲隨順雖少分癡不懼癡過  
故生苦憂悲隨順皆悉了知於出世間五種善根精  
勤修習次第獲得三摩地門名曰漏盡比丘此則名  
爲了知有苦云何名爲了知衆樂所謂一種補特伽  
羅皆悉了達此貪嗔癡三不善根爲生苦本能永除  
斷於出世間信等五種無漏善根精勤修習次第獲

得三摩地門名曰漏盡比丘此則名爲了知衆樂了  
知有樂精勤修習次第獲得三摩地門亦如上說比  
丘如是四種苦樂皆應了知比丘復白佛言世尊云  
何名爲四三摩地佛言所謂信解受持如法修行能  
斷貪欲故信解受持如法修行通達一切諸妙法門  
故信解受持如法修行獲得一切甚深智見故信解  
受持如法修行獲得一切清淨妙慧故云何能斷貪  
欲佛言比丘汝等應當於顯露處或林間或樹下或  
空寂處常坐不卧安住禪定應觀此身三十六物和  
合而成體非清淨虛幻不實不應妄生愛念戀著如

是思惟深生厭離比丘如是名爲能斷貪欲云何三十六物佛言所謂外相十二髮毛爪齒眵淚耵聍涕唾垢汗大小便溺中相十二皮膚血肉筋脈骨髓肪膏腦膜內相十二脾腎心肺肝膽腸胃赤白二痰生熟二臟比丘是名三十六物復告比丘又諸世間地中所生百穀苗稼須假耕種亦非清淨自然而生是故汝應於顯露處或林樹下一心安住如實觀察此身不淨虛假浮脆眼耳等處常行垢濁而不堅固極可厭離如是安住三摩地門信解受持如法修行永斷貪欲云何通達一切諸妙法門佛言比丘汝等應

當於顯露處或林樹下或空寂處常坐不卧修習禪定護念憐愍一切衆生而爲引導皆令了悟一切有爲虛幻不實譬如優曇鉢羅華顏色殊好旣開敷已非能堅固此身非堅亦復如是是故汝應於顯露處或林樹下寂靜之處安住禪定觀一切身有爲不實如夢如幻方便開示引導衆生皆令信受愛樂禪定比丘是名於三摩地信解受持如法修行通達一切諸妙法門云何獲得一切甚深智見佛言比丘安住禪定悟此甚深微妙法已深心愛樂決定堅固晝夜繫念精進無懈智光徧照無明暗蔽永盡無餘譬如

虛空密雲暗蔽於日中時雲忽退散得見日光普照  
一切無有障礙三摩地門一切智光除其煩惱無明  
暗蔽亦復如是是故汝應善思念之如實安住晝夜  
無懈於一切智堅固攝受比丘是名於三摩地門信  
解受持如法修行獲得一切甚深智見云何獲得一  
切清淨妙慧佛言比丘汝等應當於顯露處或林樹  
下或空寂處常坐不卧正念安住三摩地門苦受樂  
受憂受喜受及與捨受皆已離故勝定熏修圓滿清  
淨則爲安住四三摩地悉能了知四種信解攝受通  
達作大導師若攝受者若通達者則爲安住善平等

地觀察度量一切智智如是如是復告比丘汝應於  
顯露處或林樹下或空寂處苦已離故樂已離故憂  
已離故喜已離故捨已離故勝定解脫圓滿清淨如  
實安住四三摩地比丘是名於三摩地門信解受持  
如法修行獲得一切清淨妙慧比丘如是名爲四三  
摩地

佛說法乘義決定經卷上

佛說法乘義決定經卷中

### 佛說法乘義決定經卷中

西天三藏明因妙善普濟法師金總持等奉詔譯

爾時勇猛甚深比丘復白佛言世尊云何名爲住四念處佛言比丘所謂應觀內身外身內外身住有色不淨一切世間憂悲苦惱正念了知觀內受外受外受住種種諸苦一切世間憂悲苦惱正念了知觀內心外心內外心住虛幻無常一切世間憂悲苦惱正念了知觀內法外法住悟無我理一切世間憂悲苦惱正念了知比丘是名住四念處比丘復白佛言世尊云何四正斷佛言所謂未生不善法以

精進力攝伏斷除令永不生故已生不善法以精進力攝伏斷除令永斷滅故未生善法以精進力正念攝受令生起故已生善法以精進力堅固安住正念思惟依止離欲依止寂滅依止於此攝受伏除諍論勤定斷行具神足力自勤獲得思惟依止離欲依止寂滅依止於此攝受伏除諍論心定斷行具神足力自心獲得思惟依止離欲依止寂滅依止於此攝受伏除諍論觀定斷行具神足力自觀獲得思惟依止

離欲依止寂滅依止於此攝受伏除諍論佛言比丘是謂四神足比丘復白佛言世尊云何五根佛言所謂信根進根念根定根慧根云何信根謂於因果而生信樂輪迴世間信行正見業報差別若作諸業或善或惡彼彼業果如如招報於自信根如實了知是名信根云何進根謂於妙法而生信樂勤加精進如法修行是名進根云何念根以精進力積集善行念修習而無退轉是名念根云何定根謂於法念專心一境而無散動是名定根云何慧根謂於定中觀照一切通達無礙是名慧根比丘復白佛言世尊云

何五力佛言所謂信力進力念力定力慧力云何信力謂諸有情受如來法信爲根本善能安住而無流轉若沙門婆羅門若天魔梵若世間法皆能信解隨順攝受是名信力云何進力謂能勇猛精進堅固安住善法無有疲懈雖被衆苦而能堪忍不捨善輒行大精進是名進力云何念力謂於念中安住分位堅固憶持常無散動亦無忘失是名念力云何定力謂能摧伏欲染業果諸不善法乃至安住四禪三昧是名定力云何慧力謂住世間發起正慧於聖道行具足修行擇不善法離諸苦際是名慧力比丘復白佛

言世尊云何七覺支佛言所謂擇法覺支念覺支定覺支精進覺支輕安覺支捨覺支喜覺支云何擇法覺支謂於諸法而能據擇思惟依止離欲依止寂滅依止攝伏諍論故云何念覺支謂於諸法正念修習思惟依止離欲依止寂滅依止攝伏諍論故云何定覺支謂能發起清淨妙慧思惟依止離欲依止寂滅依止攝伏諍論故云何精進覺支謂於善行精進無懈思惟依止離欲依止寂滅依止攝伏諍論故云何輕安覺支謂於諸法遠離麤重調暢身心思惟依止離欲依止寂滅依止攝伏諍論故云何捨覺支謂於

諸法遠離放逸令心寂靜思惟依止離欲依止  
依止攝伏諍論故云何喜覺支謂於諸法而生喜受  
思惟依止離欲依止寂滅依止攝伏諍論故佛告比  
丘是名七覺支比丘復白佛言世尊云何八聖道佛  
言所謂正見正思惟正語正業正命正勤正念正定  
云何正見於所見境有取有與有善惡行有善惡行  
所招之果有世出世間一切衆生所作之業乃至須  
陀洹果斯陀含果阿那含果阿羅漢果此世他世微  
妙善行皆以正見通達明了淨修梵行永斷惑障所  
作已辦到於彼岸是名正見云何正思惟謂以智慧  
分別揀擇令身語意三業無失離諸過咎是名正思  
惟云何正語謂能永斷妄言綺語惡罵兩舌是名正  
語云何正業謂諸有情永離殺生偷盜染欲是名正  
業云何正命謂受世間衣服卧具飲食醫藥而爲資  
養非邪命故是名正命云何正精進謂能勇猛破煩  
惱魔常修善行無有懈怠是名正精進云何正念謂  
憶過去所修善法念念攝持而無錯謬是名正念云  
何正定謂心能安住於奢摩他毗鉢舍那寂然不動  
是名正定佛告比丘是名八聖道爾時勇猛甚深比  
丘復白佛言世尊云何十六心念佛言所謂念心和

合故和合平等如實了知念心相應故相應平等如  
實了知念法自性和合故和合平等如實了知念法  
自性相應故相應平等如實了知念法增長和合故  
和合平等如實了知念法增長相應故相應平等如  
實了知念身正知和合故和合平等如實了知念身  
正知相應故相應平等如實了知念身正知和合  
故和合平等如實了知念身行正知相應故相應平  
等如實了知念一切身正知和合故和合平等如實了  
知念喜正知相應故相應平等如實了知念喜正  
知和合故和合平等如實了知念樂正知相應故相  
應平等如實了知念心正知和合故和合平等如實  
了知念心正知相應故相應平等如實了知念心行  
正知和合故和合平等如實了知念心行正知相應  
故相應平等如實了知念輕安心行和合故和合平  
等如實了知念輕安心行相應故相應平等如實了

身行正知相應故相應平等如實了知念輕安心行  
和合故和合平等如實了知念輕安心行相應故相  
應平等如實了知念喜正知和合故和合平等如實  
了知念喜正知相應故相應平等如實了知念喜正  
知和合故和合平等如實了知念樂正知相應故相  
應平等如實了知念心正知和合故和合平等如實  
了知念心正知相應故相應平等如實了知念心行  
正知和合故和合平等如實了知念心行正知相應  
故相應平等如實了知念輕安心行和合故和合平  
等如實了知念輕安心行相應故相應平等如實了

7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5

心喜樂心和合故和合平等如實了知念喜樂心相應故相應平等如實了知念勝解心相應故相應平等如實了知念等引心和合故和合平等如實了知念等引心和念等引心和合故和合平等如實了知念等引心相應故相應平等如實了知如是乃至無常觀離欲觀寂滅觀出離觀和合平等如實了知相應平等如實了知佛言比丘如是名爲十六心念比丘復白佛言世尊云何聲聞四果佛言所謂須陀洹果斯陀含果阿那含果阿羅漢果如是四果諸聲聞衆皆能信解如來十號功德圓滿了知正法清淨流布無有窮

蓋了知僧伽具足衆善功德圓滿於無我理皆悉了達如是信解淨修梵行具戒定慧無礙解脫解脫知見出世功德轉正法輪證須陀洹果功德具足證斯陀含果功德具足證阿那含果功德具足證阿羅漢果功德具足淨戒圓滿聖智現前自在安隱離諸熱惱清淨無染盡未來際無有間斷亦無退轉以方便智力觀察一切通達無礙佛言比丘如是名爲聲聞四果比丘復白佛言云何如來十力佛言所謂處非處世三業如實了知故靜慮解脫等持等至智力皆能

了知故根勝劣智力信等五根或轉中上皆能了知故種種勝解智力觀一切法勝解明了皆能通達故種種界智力無量世界種種界性皆能了知故宿住隨念行智力諸趣徧行種種差別皆能了知故宿住隨念智力過去世境宿住隨念皆能了知故生滅智力諸有情類生滅因緣皆能了知故漏盡智力根隨諸惑淨盡無餘故佛告比丘如是名爲如來十力比丘復白佛言云何四無所畏佛言所謂正等覺無畏佛於正覺諸法等覺諸法皆悉了知心無所畏故諸天魔梵沙門婆羅門天人阿修羅等皆悉恭敬漏盡智無

長如來諸漏欲染煩惱皆已盡故住安隱地無有驚怖於大衆中作師子吼梵釋諸天轉輪聖王尊重讚歎出障道無畏如來通達三乘聖道於一切法無有障礙故心無所畏諸天魔梵沙門婆羅門等皆悉恭敬出苦道無畏如來於無數劫修習善法乃能決定出離苦道諸天魔梵沙門婆羅門等皆悉恭敬佛告比丘如是名爲四無所畏比丘復白佛言云何四無礙辯佛言所謂法無礙辯義無礙辯詞無礙辯辯才無礙辯法無礙辯於無漏法智無退轉故義無礙辯於所詮理智無退轉故詞無礙辯隨諸衆生所有問

789901012345678920123456789301123456789

難一音解釋普令歡喜故辯才無礙辯世出世間一切諸法皆悉通達智無退轉故佛告比丘如是名爲四無礙辯比丘復白佛言云何如來十八不共法佛言所謂如來無悞失無卒暴語無種種想無不定心無忘失念無不擇捨欲無減念無減精進無減定無減慧無減解脫無減身業隨智慧行語業隨智慧行意業隨智慧行知過去世無著無礙知未來世無著無礙知現在世無著無礙佛告比丘如是名爲十八不共法比丘復白佛言云何如來三十二相佛言所謂足下平滿高下等觸相足下千輻輪文網轂圓滿

相手足柔軟如覩羅綿相手足指間咸有網軟金色交絡相手足諸指纖長圓滿相足跟廣長與趺相稱相足趺修高充滿柔軟與跟相稱相雙腨纖圓如翳泥耶鹿王腨相雙臂修圓如象王鼻平立過膝相密處深隱如龍象王相身諸毛孔一一毛生柔軟紺青右旋宛轉相髮毛上靡柔軟紺青螺文右旋相身真金色光潔晃曜衆寶莊嚴相皮膚薄潤塵垢不住相手足掌中頸及雙肩七處平滿相肩項之間妙好充満相膚腋清淨悉皆充實相容儀圓滿端嚴殊妙相身相修廣端直相稱相體相縱廣量等周匝圓滿如

78990123456789201234567893012345

諾瞿陀相其身上半如師子王威容廣大相身常放光面各一尋相具四十齒齊平淨密相四牙鋒利白逾珂雪相於諸味中得最上味相舌相廣薄偏覆面輪相梵音洪雅隨衆等聞相眼睫齊整猶若牛王相其目紺青鮮白紅環間飾皎潔相面如滿月雙眉皎淨如天帝弓相眉間白毫右旋宛轉如覩羅綿鮮白光淨相其頂上現烏瑟膩沙高顯周圓如天蓋相佛告比丘如是名爲三十二相

佛說法乘義決定經卷中

佛說法乘義決定經卷下

西天三藏明因妙善普濟法師金總持等奉詔譯

爾時世尊復告勇猛甚深比丘言如來所現三十二相金色之身皆由過去修種種行之所感得亦爲汝等分別解說時比丘衆唯然諦聽佛言所謂諸佛世尊經無量劫修菩薩行於戒禁忍及惠捨中善能安住堅固平等故感得足下平滿之相有情苦惱方便救護孝順父母嚴飾布施未嘗退轉故感得足下千幅輪文相給侍尊長塗身按摩沐浴衣服莊嚴之具未嘗退轉故由是感得手足柔軟相以四攝法饒益

有情平等護念無有差別由是感得手足指間金色  
網輓相於諸尊長恭敬和順於他有情遠離損害及  
不與取能以妙法密護衆生由是感得手足諸指纖  
長圓滿相以方便智勸導覆護一切有情令修善行  
未嘗退轉故由是感得足跟廣長與趺相稱相足趺  
修高充滿柔軟與跟相稱相自於正法如實攝受皆  
能了解廣爲人說及正爲他善作給使是故感得雙  
腨纖圓如翳泥鹿王腨相修習善行無有懈倦令  
諸善法展轉增長是故感得雙臂修圓平立過膝相  
於被他擯無依有情能以正法慈悲攝受令知慚愧

是故感得密處深隱如龍象王相自善觀察明智賢  
善樂欲親近唯一住故依一丈故入微義故又能蠲  
除客塵垢故是故感得身諸毛孔一一毛生柔軟紺  
青右旋宛轉相髮毛上靡柔軟紺青螺文右旋相能  
施悅意法喜飲食騎乘衣服嚴飾之具資身什物永  
離嗔恚由此感得身真金色皮膚薄潤塵垢不住相  
廣以上妙餚饌飲食普施衆生皆令充足由此感得  
其身七處皆悉平滿相於諸有情隨所生起如法所  
作能爲上首而作助伴離於我慢心無獵恨能爲有  
情興利益事由是感得其身上半如師子王於一切

事稟性勇決又復感得肩項圓滿膊腋充實容儀端正身相修廣能自防護身語意業見疾病人給施良藥於不平等事業皆不攝受於界互違能令隨順由此感得身相圓滿如諾瞿陀常光一尋遠離一切破壞親友離間語言設已乖離能以善言方便和合由是感得具四十齒齊平淨密修廣大慈思惟法義由是感得四牙鋒利白逾珂雪懸念衆生猶如一子方便救護給施醫藥由是感得於諸味中得最上味遠離殺害修慈心故於廣大法能正行故由是感得其頂上現烏瑟膩沙舌相廣溥偏覆面輪常修諦語愛

語法語及悅意語由是因緣得大梵音言詞辯雅能悅衆意於諸世間行大慈悲憐愍饒益一切有情由是感得目紺青色睫如牛王見有德者如實讚歎稱揚其美由是感得面如滿月眉若帝弓眉間白毫右旋宛轉鮮白光潔如覩羅綿佛告比丘如是諸佛三十二相往昔因緣應如是知比丘復白佛言云何世尊八十種好佛言所謂世尊指爪狹長薄潤光潔世尊諸指纖圓膚直世尊手足各等指間充密世尊骨節深隱不現世尊手足如意柔軟世尊筋脉盤結深隱世尊兩踝俱隱不現世尊行步庠序如龍象王世

尊進止儀雅猶如鷺王世尊右旋迴顧舉身隨轉如  
龍象王世尊肢節膚圓妙善安布世尊容貌敦肅無  
有所畏世尊身支安定無有掉動世尊骨節交絡無  
隙猶如龍蟠世尊膝輪圓滿殊妙世尊密處清淨無  
垢世尊肢節稠密堅固世尊身相周匝端嚴世尊身  
光常自照曜世尊脣深圓妙殊異世尊脣厚不窊不  
凸世尊身體光潔離垢世尊皮膚無疣贅等世尊手  
掌平滿潤澤世尊腹間方正柔軟世尊手紋深長明  
直不斷世尊脣色丹輝如頻婆果世尊面如滿月端  
嚴稱量世尊舌相廣長偏覆面輪世尊梵音圓滿猶  
如天鼓世尊鼻高脩直其竅不現世尊諸齒方整齊  
密世尊四牙鋒利鮮白世尊目淨紺青青白分明世  
尊眼相修廣如青蓮華葉世尊上下眼睫齊整稠密  
世尊雙眉不白長緻細軟世尊身分上半威嚴最上  
如師子王世尊額廣圓滿平正殊妙世尊耳厚修長  
輪垂圓滿世尊兩耳綺麗齊平離諸過失世尊儀空  
能令見者無捨無染皆生恭敬世尊雙眉綺靡順次  
其色紺青世尊雙眉高顯光潤猶如初月世尊首髮  
紺青修長稠密不白世尊首髮香潔細軟潤澤旋轉  
世尊首髮齊整光淨世尊首髮堅固不落世尊首髮

78910123456789201234567893012345

塵垢不著世尊身分充實堅固世尊身相修長端直  
世尊諸竅清淨妙好世尊身相勢力殊勝無與等者  
世尊身相衆樂瞻仰無有厭足世尊面輪修廣相稱  
皎潔光淨如秋滿月世尊顏貌舒泰光顯含笑先言  
唯向不背世尊面貌光澤熙怡遠離顰蹙無青赤色  
世尊肢體清淨無垢亦無臭穢世尊所有身毛孔中  
常出如意微妙之香世尊面門常出最上殊勝之香  
世尊首相周圓妙好猶如天益世尊身毛光淨紺青  
如孔雀項紅輝綺錯世尊法音隨衆等聞應理無差  
世尊頂相無能見者世尊手足指節分明莊嚴妙好

世尊行時其足去地如四指量而現印紋世尊自持  
不待他衛身無傾動亦不逶迤世尊威德遠震一切  
嗔心見喜恐怖見安世尊音聲不高不下隨衆生意  
和悅與言世尊能觀諸有情類言音意樂而爲說法  
世尊一音演說諸法隨有情類各令得解世尊說法  
咸依次第必有因緣言無不善世尊等觀諸有情類  
讚善毀惡而無愛憎世尊所爲先觀後作軌範具足  
令識善淨世尊相好一切有情不能觀盡世尊頂骨  
堅實圓滿世尊顏容無衰老相世尊手足及胸臆前  
皆有吉祥喜旋德相佛告比丘如是名爲八十種好

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

系

佛說法乘義決定經卷下

五

北之

爾時世尊說是經已復告勇猛甚深比丘言吾今所說法乘妙理決定之義所詮法要初中後善利益安樂汝善誦持敷演分別引導衆生令修梵行一食如法三衣具足住顯露處或住塚間或林樹下或空寂處修頭陀行常勤精進無有懈怠永離惑染究竟解脫時勇猛甚深比丘與俱來會中諸大比丘等及天人阿修羅等一切大衆聞佛所說歡喜作禮信受奉行

### 佛說法乘義決定經卷下

#### 音釋

<b>疲</b>	<b>茶</b>	<b>疲</b>	<b>茶</b>	<b>疲</b>	<b>茶</b>
茶	茶	蒲	茶	蒲	茶
奴	奴	麋	茶	麋	茶
結	結	切	茶	切	茶
也	也	勞	力	勞	力
<b>溺</b>	<b>溺</b>	<b>便</b>	<b>也</b>	<b>便</b>	<b>也</b>
溺	溺	便	膜	便	膜
奴	奴	連	末	連	末
弔	弔	切	各	切	各
<b>方</b>	<b>六</b>	<b>脰</b>	<b>內</b>	<b>脰</b>	<b>間</b>
方	六	脰	間	脰	膜
<b>轂</b>	<b>轂</b>	<b>古</b>	<b>膜</b>	<b>古</b>	<b>膜</b>
轂	轂	祿	膜	祿	膜
<b>切</b>	<b>切</b>	<b>古</b>	<b>也</b>	<b>古</b>	<b>也</b>
切	切	祿	也	祿	也
<b>切</b>	<b>切</b>	<b>鞞</b>	<b>也</b>	<b>鞞</b>	<b>也</b>
切	切	鞞	也	鞞	也
<b>也</b>	<b>也</b>	<b>頸</b>	<b>也</b>	<b>頸</b>	<b>也</b>
<b>餉</b>	<b>餉</b>	經	也	經	也
餉	餉	郢	也	郢	也
<b>也</b>	<b>也</b>	切	也	切	也
<b>透</b>	<b>透</b>	頭	也	頭	也
透	透	莖	也	莖	也
<b>迤</b>	<b>迤</b>	也	也	也	也
迤	迤	也	也	也	也
<b>密</b>	<b>密</b>	也	也	也	也
密	密	也	也	也	也

透遙  
迤余危切

泰和信官楊仁愿捐俸刻

經三卷  
共字九千五百八  
十九箇

佛說法乘決定義經全部

計寫銀二錢八分三厘  
五分六厘

東塔寺釋道源 同對

共板十二塊  
工價銀四錢八分

崇禎壬午季秋虞山華嚴閣識

上元羅章書  
向容潘守誠刻

佛說大白傘蓋總持陀羅尼經

元天寶後辯天師啞嚙銘得哩蓮得囉磨寧及譯主僧真智等譯

敬禮一切最妙上師

夫欲修習白傘蓋佛母者寂靜室內於軟穩氈上坐  
已然發願云爲六道一切有情於輪迴中令得解脫  
故願我成究竟正覺而發願已面前空中想白傘蓋  
佛會彼等處以真實心念三歸依已佛會消融爲光  
融入自身自身成光然後念莎末幹呪想一切皆空  
於其空中華月輪上想白色唵字唵字放光其光復  
回字種變成白傘金柄柄上嚴唵字其字放光復回

字種變成白傘蓋佛母一面二臂具三目金剛跏趺而坐右手作無怖畏印左手執白傘當胸嚴飾種種瓔珞身色潔白如雪山上日光明照具喜悅相顯無自性應觀如鏡中像然欲誦咒時自己心中蓮華日輪上唵字周圍繞心咒及長短總持等於彼放光遣除自他一切罪障及間斷等想已然後讀誦若疲倦時欲奉施食則面前置施食念唵啞吽三字咒攝受變成甘露面前空中召請白傘蓋佛母爲首并二十二山塚所居陰母及七種佛并十方正覺三種具美淨梵帝釋伴繞等已想舌變成金剛光筒誦奉食咒

曰

唵薩嚩幹二合怛達遏哆烏室引称折席嚩怛末喝哩吽

發怛

唵瞻末哩渴渴渴今渴今

誦三遍或五遍已然誦讚歎禱祝求索願事等畢奉送佛會其施食弃於淨處回向善根矣

啞吟耶怛達遏哆烏室引称折西嚩怛末喝哩捺麻

啞末囉嚩怛嚩囉称梵語

聖一切如來頂髻中出白傘蓋佛母餘無能敵總持敬禮最上三寶華言

如是我聞一時出有壞住三十三天善法妙好諸天

所居之處與大比丘并大菩提勇識及天主帝釋衆等集爾時出有壞坐蓮華座入於普觀頂髻三昧速然出有壞從頂髻中出現如是總持密咒法行敬禮正覺及一切菩提勇識敬禮正覺敬禮妙法敬禮大衆敬禮七俱胝真實究竟正覺及聲聞大衆等敬禮所有世間壞怨等敬禮所有預流等敬禮所有一來等敬禮所有不還等敬禮所有世間真實超越等敬禮所有入實者等敬禮天仙兜咀及有加祐力能等敬禮所有誦持明咒獲成就者等敬禮淨梵敬禮帝釋敬禮繫威具美能令退屈苦行之主者等敬禮具美嚴五手印無愛子之所歸敬處敬禮具美能摧壞三層宮城住於墓地之中一切陰母所歸敬處敬禮出有壞如來種佛敬禮蓮華種佛敬禮金剛種佛敬禮寶珠種佛敬禮大象種佛敬禮少童種佛敬禮龍種佛敬禮勇固部器械王佛敬禮無量光佛敬禮不動佛敬禮藥師瑠璃光王佛敬禮娑羅主王華寶圓滿佛敬禮釋迦牟尼佛敬禮寶上王佛敬禮最妙普賢佛敬禮衆明主佛敬禮日圓滿烏巴辣香上王佛彼等處敬禮已出有壞母一切如來頂髻中出白傘蓋佛母餘無能敵大迴遮母以此決斷一切出者邪

魔亦能決斷餘者一切明呪亦能迴遮非時橫天亦能令有情解脫一切繫縛亦能迴遮一切憎嫌惡夢亦能摧壞八萬四千邪魔亦能歡悅二十八宿亦能折伏八大房宿亦能迴遮一切冤讐亦能摧壞最極暴惡一切憎嫌惡夢亦能救度毒藥器械水火等難無有能敵大緊母 大掇朴母大力母  
 大熾然母大威力 大白蓋母大力母  
 炝然掛纓白衣母 聖救度母具嗔皺  
 勝勢金剛稱念珠 中一蓮華昭明金剛名  
 無有能敵具念珠 金剛牆等摧壞母

柔善佛等供養母 柔相威力具大母  
 聖救度母大力母 不歿金剛鐵錠母  
 金剛少童持種母 金剛手種金念珠  
 大赤色及寶珠母 種明金剛稱頂髻  
 種相窈窕金剛母 如金色光具眼母  
 金剛燭及白色母 蓮華眼及月光母  
 手印聚彼等一切力故願令擁護於我擁護於我  
 喎吟室遏捺不囉引合折喎引也怛達遏哆烏室称  
 折席喎怛巴嘚哩二合折喎引也怛達遏哆烏室称  
 隆合席怛沒末捺葛囉吽隆合麻曷覓得也三口合

末室渴捺葛囉吽能隆<sub>二合</sub>撥囉覓能<sub>合</sub>惹<sub>古口</sub>三合  
室渴捺葛囉吽能隆<sub>二合</sub>薩<sub>沒</sub>幹六<sub>舌</sub>室達捺<sub>能</sub>席擔  
曷捺覓<sub>得</sub>喺<sub>能</sub>薩捺葛囉吽能隆<sub>二合</sub>撥六<sub>上</sub>薩室帝捺  
能屹囉曷薩曷悉囉覓喺<sub>能</sub>薩捺葛囉吽能隆<sub>二合</sub>薩幹也室渴囉室渴薩屹囉  
啞室捺喻<sub>能</sub>折帝喺<sub>能</sub>捺色曷<sub>上</sub>膀得得囉捺麻不  
囉薩怛捺葛囉吽能隆<sub>二合</sub>引<sub>合</sub>啞希怛捺麻麻渴屹囉  
曷捺<sub>能</sub>覓<sub>能</sub>捺<sub>能</sub>薩捺葛囉吽能隆<sub>二合</sub>引<sub>合</sub>囉塞剋  
囉鳩<sub>沒</sub>擁護於我

出有壞母一切如來頂髻中出白傘蓋佛母金剛頂

髻大迴遮母具千大臂母有千大首母具十萬俱胝  
目不二熾燃具種相金剛寬廣大白母主宰三界中  
圍母一切時中擁護於我擁護於我

唵國王難盜賊難火難水難毒藥難器械難外國軍  
兵難飢餓難冤讐難疾疫難霧靈難非時橫天難地  
震動難星箭難國王刑罰難天難龍難閃電難飛空  
難惡獸忿怒難

又復天魔龍魔非天魔風神魔飛空魔尋香魔疑神  
魔大腹行魔施毒魔夜叉魔餓鬼魔空行母魔食肉  
魔出者魔瓶袋魔臭魔身臭魔令枯瘦魔令忘魔令

顛狂魔令魔寐魔令鎮伏魔奎宿魔彼等一切之中  
願我獲得安穩吉祥

又奪威力鬼奪容顏鬼食產宮鬼飲血鬼食胞胎鬼  
食肉鬼食脂鬼食髓鬼食脂衣鬼取命鬼食嘔吐鬼  
食大便鬼食小便鬼食竅流鬼食殘鬼食食涕  
鬼食涎鬼食膾鬼食施食鬼食鬚鬼食香氣鬼食香  
鬼奪意鬼食華鬼食果鬼食苗鬼食燒施鬼等之中  
願我獲得安穩吉祥

彼等一切及一切魔所造明咒以此決斷將杵擊之  
遍遊行所造明咒以此決斷將杵擊之空行與空行

母所造明咒以此決斷將杵擊之大獸主所造明咒  
以此決斷將杵擊之無愛子所造明咒以此決斷將  
杵擊之飛空及真實作等所造明咒以此決斷將杵  
擊之大黑及陰母等所造明咒以此決斷將杵擊之  
持人頭器所造明咒以此決斷將杵擊之令勝及作  
蜂蜜與令義昔成所造明咒以此決斷將杵擊之四  
姊妹所造明咒以此決斷將杵擊之卑<sup>上</sup>屹哩帝及  
喜主與集主等所造明咒以此決斷將杵擊之無善  
淨所造明咒以此決斷將杵擊之壞怨所造明咒以  
此決斷將杵擊之離欲所造明咒以此決斷將杵擊

之密主金剛手所造明咒以此決斷將杵擊之

敬禮出有壞母一切如來頂髻中出白傘蓋佛母擁護於我擁護於我

唵啞席怛捺辣室渴不囉末悉不怛唸遏<sub>(能)</sub>塞唸怛

末唸哩<sub>(合)</sub>嚦辣嚦辣渴唸渴唸囉唸囉覓唸唸

秦<sub>(能)</sub>捺秦<sub>(能)</sub>捺覓<sub>(能)</sub>捺覓<sub>(能)</sub>捺吽吽發<sub>(怛)</sub>發<sub>(怛)</sub>莎曷

馨馨發<sub>(怛)</sub>和和發<sub>(怛)</sub>亞母屹英發<sub>(怛)</sub>亞不囉帝曷怛

發<sub>(怛)</sub>不囉末囉怛發<sub>(怛)</sub>亞須囉喻得囉末渴發<sub>(怛)</sub>

薩喋末帝併群發<sub>(怛)</sub>薩喋末併京群發<sub>(怛)</sub>薩喋末啞

須哩群發<sub>(怛)</sub>薩喋末麻嚧寧群發<sub>(怛)</sub>薩喋末割嚧可

群發<sub>(怛)</sub>薩喋末葛<sub>(能)</sub>唸<sub>(令)</sub>唸群發<sub>(怛)</sub>薩喋末悉屹哩

捺<sub>(合)</sub>捺<sub>(令)</sub>群發薩喋末麻和囉寧群發<sub>(怛)</sub>薩喋末也塞

輕群發<sub>(怛)</sub>薩喋末囉塞屹囉星群發<sub>(怛)</sub>薩喋末不哩

可群發<sub>(怛)</sub>薩喋末吟嘶嘴群發<sub>(怛)</sub>薩喋末母可群發

薩喋末孤<sub>(能)</sub>引<sub>(未)</sub>能<sub>(能)</sub>寧囉發<sub>(怛)</sub>薩喋末莫怛可群發

雞帝群發<sub>(怛)</sub>薩喋末六<sub>(冷)</sub>辣<sub>(上)</sub>脣<sub>(下)</sub>屹可群發<sub>(怛)</sub>薩喋末

併<sub>(令)</sub>併<sub>(令)</sub>屹可群發<sub>(怛)</sub>薩喋末撮<sub>(哩)</sub>群發<sub>(怛)</sub>薩喋末

薩喋末烏<sub>(能)</sub>麻<sub>(能)</sub>寧群發<sub>(怛)</sub>薩喋末授英群發

薩喋末啞不塞麻哩群發<sub>(怛)</sub>薩喋末啊<sub>(喉音)</sub>怛囉

7891012345678920

12345678930

北之

屹哩怛葛囉麻祢葛戈冷 叮群發怛 叱囉捺併咄怛

群發怛 嘴得擦不囉折葛六 舌擦冷 帝叮群發怛 咚直

葛囉麻六 舌葛囉也群發怛 薩喋末六 舌達薩怛京

群發怛 覓嚙舌搜哩群發怛 搜六 冷 滅重 舌未屹祢

英群發怛 薩喋末戈烏麻哩英群發怛 搜六 冷 滅重 舌未屹祢

群發怛 麻曷不囉怛 脣屹哩群發怛 末喇囉二山 合山

葛辣也不囉怛 脣屹囉搜也發怛 麻曷葛辣也麻

得哩葛捺捺麻塞屹哩怛英發怛

喻折嚙併英發怛 不囉黑末祢也發怛 呀屹愛祢英

發怛 麻曷葛哩英發怛 葛辣能 上帝英發怛 哟能

上  
得哩英發怛 哟能 得哩英發怛 孤名哩英發怛 哟能

囉唸英發怛 捏摩能 帝英發怛 囉得哩英發怛 葛辣

囉得哩英發怛 耶麻怛 能 帝英發怛 葛巴哩英發怛 不

啞帝麼屹帝塞麻折捺末席捺英發怛  
等取命鬼等食嘔吐鬼等食大便鬼等食小便鬼等  
凡有有情於我起憎嫌心等者起暴惡心等者能奪  
威力等者又復奪顏容鬼食產宮鬼等食血鬼等食  
凝脂鬼等食肉鬼等食脂鬼等食髓鬼等食胎衣鬼

食竅流鬼等食殘鬼等食涎鬼等食涕鬼等食唾鬼  
等食膾鬼等食施食鬼等食鬢鬼等食香氣鬼等食  
香鬼等食華鬼等食果鬼等食苗鬼等食燒施鬼等  
具罪愆心者等具忌嫌心者等具暴惡心者等又復  
所有天魔等龍魔等非天魔等風神魔等飛空魔等  
尋杳魔等疑神魔等大腹行魔等施導魔等夜叉魔  
等餓鬼魔等食肉魔等出者魔等瓶袋魔等臭魔等  
身臭魔等令枯瘦魔等令顛狂魔等令厭魅魔等令  
忘魔等鎮伏魔等空行母魔等奎宿魔等獄帝魔等  
陰母令喜魔等遍遊行具瓔魔等拔刺魔等又復一

日疫病亦所有二日病三日病四日病七日病恒常  
疫病無盡疫病痢痛病出者依風起病依膽起病依  
痰起病依俱集起病一切疾病身病等願令遣除  
又復身分病不進飲治病眼病鼻病口病項頸病心  
病咽喉病耳病齒病心熱惱病腦病半肋病背節病  
腹病腰病穀道病腿胫病脰病手病足病肢病衆肢  
病等願令遣除願令擁護大白傘蓋佛母金剛頂髻  
大迴遮母以此十二由旬內出者起屍者空行母者  
又復疫病疥瘡瘻痘瘡癩瘡皴烈瘡瘻瘡燒瘡疣  
瘻瘡妙瘡又枯瘦恐怖病及寶毒及和合毒厭禱毒

并火難水難又鬪爭結怨損害非時夭壽又復喫哩  
二麻布割蟲喫哩辣怛蟲蝮蝎蛇鼠狼獅子虎熊  
 熊并熊狼水獸及猶如蟲蠅取他性命彼等一切明  
 呪悉皆繫縛一切威儀繫縛餘者一切明咒繫縛一  
 切諸魔明咒悉皆願令繫縛

恒得也達唵啞捺吟啞捺吟呻折得帝喻折得帝喻

引囉末唎囉唎哩末<sup>上</sup>唎末唎囉鉢祢發<sup>恒</sup>吽

吽發<sup>恒</sup>發<sup>恒</sup>

吽能隆<sup>合</sup>末捺發<sup>恒</sup>莎曷

凡有行人以此一切如來頂髻中出白傘蓋佛母餘

無能敵大迴遮母或樺皮或白氈或樹皮上書寫已  
 或戴身上或項頸上則能直至終身以毒不能害以  
 器械不能害以火不能焚以水不能漂以寶毒不能  
 中以和毒不能害以咒毒不能壞非時夭壽不能侵  
 一切冤魔及所有惡友等凡一切處爲悅愛所愛敬  
 也又能恒河沙俱胝八萬四千金剛種等亦擁護亦  
 救護亦覆護彼等作悅意所愛敬之又能八萬四千  
 大劫之中得宿命智又世世生處不受施導羅刹餓  
 鬼臭及身臭等身又不受人中貧窮之身又具足無  
 量無數恒河沙數正覺出有壞之福祿也又能一切

如來頂髻中出白傘蓋佛母餘無能敵大迴遮母恒受持則不行梵行亦成梵行不能忍則亦能成忍不淨則亦爲清淨無近住戒得近住戒不持齋戒亦成齋戒設爾所造五無間罪則能清淨無餘往昔業障悉皆消滅若欲女人求子則能受持一切如來頂髻中出白傘蓋佛母餘無能敵大迴遮母者獲得具足壽命福德威力之子命終之後往生極樂世界又人病牛病畜病疫病及損害及惹病導及鬪戰餘他一切軍兵之中則能以此一切如來頂髻中出白傘蓋佛母餘無能敵大迴遮母安置於幢頂上作廣大

供養已將幢置大城門上或宮宅之中或村坊之中或聚落之中或川原之中或寂靜之處於餘無能敵大迴遮母處作廣大供養則能速然國界安寧亦能柔善疫病導與損害鬪爭餘他一切軍兵也  
末喇囉鉢稱遣魔擁護咒

寧引得也達唵室哆

沒

末

上

脣

唵末

上

脣

擁護於我擁

護於我莎曷室渴囉室渴麻

沒

唵

吽

吽室哆

沒

未能

唵

末喇囉

合

擁護於我

囉室渴囉室渴麻

沒

末

喇囉末称英吽發怛莎曷

恒常持心咒

唵薩嚦末怛達遏哆烏室祢折啞幹浪屹帝摩令嚦  
 叮喊囉室祢唵嚦辣嚦辣嚦渴嚦渴嚦囉嚦囉覓能  
 噪囉覓能嚦囉秦嚦秦嚦覓沒嚦覓沒嚦吽吽發怛莎曷

發怛莎曷

增長身親心兜

唵薩嚦末怛達遏哆烏室祢折席怛發怛莎曷

攝受兜

寧得也達唵啞捺令啞捺令渴薩銘渴薩銘喻引囉  
 喻引囉星鳥身榮星上薩嚦末莫嚦啞溺室達捺啞  
 溺室提珂薩嚦末怛達遏哆烏室祢折席怛怛末嚦

唵吽發怛莎曷

堅甲兜

吽麻麻吽祢莎曷

應作明滿修習彼所有龍王等依時降雨矣正覺與  
 菩提勇識天及非天并人與尋香一切世間等皆大  
 歡喜出有壞所說之處現前讚揚

佛說大白傘蓋總持陀羅尼經

7 8 9 10 11 12 13

1 2 3 4 5 6 7 8 9 10 11 12 13 14 15

佛說大白傘蓋經卷第十一

北之

# 大白傘蓋佛母總讚歎禱祝偈

唵蓮華月輪妙座上

金剛跏趺身色白

左手當胸執白蓋

具白傘處稱讚禮

右手結於無畏印

喜笑及身具窈窕

一切正覺所攝受

佛母汝處稱讚禮

一切所伏有情處

隨類化現種種身

大寶莊嚴極美妙

悅意母處稱讚禮

唵無有能敵大緊母

大掇朴母大力母

大熾然母大威母

大白蓋母大力母

熾然掛纓白衣母

聖救度母大嗔皺

聖世金剛稱念珠

蓮華昭明金剛名

無有能敵具念珠

金剛墻等摧壞母

柔善佛等供養母

柔相威力具大母

聖救度母大力母

不殺金剛鐵鉗母

金剛少童持種母

金剛手種金念珠

大赤色及寶珠母

種明金剛稱頂髻

種相窈窕金剛母

如金色光具眼母

金剛燭及白色母

蓮華目及月光母

手印聚處稱讚禮

出有壞母白蓋母

釋迦頂髻中出母

金剛頂髻迴遮母

千臂千手大具母

不二熾燃具種相

大俱胝之具眼母  
金剛廣博大白母

主宰三界中國母

最極於我乞覆護  
最極於我求擁護

唵國王賊怖水火毒

器械飢饉邪魔疾  
地震國王刑罰等

霹靂非時并天壽

惡獸虎等大難中

閃電飛空諸怖散

其天魔等諸魔礙

一切時中乞覆護

風膽疾等大病中

能奪威力并餓鬼

貪癡嗔等諸煩惱

一切時中乞覆護

十不善業五無間

所遮自性罪業等

惡趣苦果怖畏中

愚資我今求覆護

以大慈悲之鐵鉤

猶如愛子乞護持

一切時中擁護我

大白傘蓋總持讚歎禱祝偈竟

### 音釋

幹

鳥活切

援

朴援都括切

朴

匹各切

皺

側枚切

鉗

士角切

壓

於檢切

切膚欲搔也

瘡

魚乞切

癰

貌瘡切

瘻

盧達切

痛

切

腿

吐恨切

股

切膚欲搔也

瘡

瘡病也

瘻

瘻病也

力

到切

踝

栗吟切

吟

丁喉切

喉

五各切與鬱同

可

丁定切

喙

奴帶切

導

五愛切與穀同

喙

喻吟切

喻

嘴呻切

呻

娘唶已上字篇韻無出按經註云呪內  
字多從口但依本音轉舌呼之

六群鵠

韻無考

泰和信官楊仁恩捐俸刻

經一卷  
共字五千二百三

佛說大白傘陀羅尼經

計寫銀二錢一分

東塔寺釋道源同對

三分四厘一兩八錢

崇禎癸未孟秋虞山華嚴閣識

計工價銀二錢八分

長洲徐大任書

刻

溧水徐應鴻

ナ・キセ